



初唐第四十五

唐詩紀四十五

鄆郡吳瑄彙編

江都陸弼同校

張說

五

五言排律

扈從幸韋嗣立山莊應制

并序

嵐氣入野榛煙出谷魚潭竹岸松齋藥畹虹泉
電射雲木虛吟恍惚疑夢間關忘術茲所謂丘
壑夔龍衣冠巢許也

紀事云嗣立莊在驪山鸚武谷中宗幸之嗣立獻食百舉及木器藤盤等物上封為逍遙公名其所居為清虛原幽棲谷中宗留詩從臣屬和嗣立並鑄千石請張說為序薛稷書之

寒灰飛玉琯湯井駐金輿既得方明相還尋大隗
居懸泉珠貫下列帳錦屏舒騎遠林逾密笳繁谷
自虛門旗塹複磴殿幕裏通渠舞鳳迎公主雕龍
賦婕妤地幽天賞洽酒樂御筵初非才叨侍從連
藻媿應徐紀事云先一日太平公主上官昭容題詩數首故燕公詩云舞鳳迎公主雕龍

賦
婕
妤

奉和聖製喜雪應制

聖德與天同封巒欲報功詔書期日下靈感應時
通觸石雲呈瑞含花雪告豐積如沙照月散似麴
從風舞集仙臺上歌流帝樂中遙知百神喜灑路
待行宮

奉和聖製寒食作應制

寒食春過半花穠鳥復嬌從來禁火日會接清明
朝鬪敵雞殊勝爭毬馬絕調晴空數雲點香樹百
風搖改木迎新燧封田表舊燒皇情愛嘉節傳曲

與簫韶

奉和聖製賜崔日知往潞州應制

聖情留

一作

曩鎮佳氣翊興王增戟雄都府高車

轉太常川橫八練闊山帶五龍長連帥初恩命天
人舊紀綱餞塗飛御藻闔境自生光明主徵循吏
何年下鳳皇

春晚侍宴麗正殿揆得開字

聖政惟稽古賓門引上才坊因購書立殿為集賢
開髦彥星辰下僊章日月迴字如龍負出韻是鳳

銜來庭柳餘春駐宮櫻早夏催喜承芸閣宴幸奉
柏梁杯

奉和聖製花萼樓下宴應制

萬心翹樂宴三舍緩昌時山接夏雲險臺留春日
遲節移芳未歇興隔賞仍追醉後傳嘉惠樓前舞
聖慈皇恩與時合天意若人期故發前旬雨新垂
湛露詩

奉和聖製渡蒲關應制

蒲坂橫臨晉華芝曉望秦關城雄地險橋路扼天

詩記

初唐卷之四十五

三

津樓映行宮日隄含宮樹春黃雲隨寶鼎紫氣逐
真人東詠唐虞跡西觀周漢塵山河非國寶明主
愛忠臣

奉和聖製途中經華岳應制

西嶽鎮皇京中峰入太清玉鑿重嶺應緹綺薄雲
迎霽日懸高掌寒空類一作削成軒遊會神處漢
幸望仙情舊廟青林古新碑綠字生羣臣願封岱
還駕勒鴻名

奉和聖製過王濬墓應制

牛斗三分國龍驤一統年智高寧受制風急肯迴
船有策擒吳詔無言讓范宣援孤因勢屈功重爲
讒偏舊迹灰塵散枯墳故老傳百代逢明主何辭
死道邊

奉和聖製經河上公廟應制

河上無名老知非漢代人先探道德要留待聖明
晨玄妙爲天下清虛用谷神化將和氣一風與太
初隣靈廟觀遺像仙歌入至真皇心齊萬物何處
不同塵

言類 初唐卷之四十五 奉和聖製幸鳳陽泉應制

周狩聞岐禮秦都辨雍名獻禽天子孝存老聖皇
情溫潤宜冬幸遊畋樂歲成湯雲出水殿暖氣入
山營坎意無私潔乾心稱物平帝歌流樂府谿谷
也增榮

恩賜樂游園宴

漢苑佳遊地軒庭近侍臣共持榮幸日來賞艷陽
春饌玉頒王篚撻金下帝釣池臺草色徧宮觀柳
條新花綬光連楊朱顏暢飲醇聖朝多樂事天意

每隨人

三月二十日詔宴樂游園賦得風字

樂游形勝地表裏望郊宮北闕連天一作頂南山

對掌中皇恩一作情貸芳月旬宴美成功魚戲芙蓉

水鶯啼楊柳風春光看欲暮天澤戀無窮長袖招

斜日留光待曲終

赴集賢院學士上賜宴應制得輝字

侍帝金華講千齡道固稀位一作任將賢士設書共

學徒歸首命深燕隗通經淺漢章列筵榮賜食迭

言紀 初唐卷之四十五 五
客愧儒衣賀燕窺簷下遷鶯入殿飛欲知朝野慶
文教日光輝

端午三殿侍宴應制探得魚字

小暑夏絃應徽音

一作商管初願齋

一作長命縷

一作長命縷

來續大恩餘三殿褰珠箔羣官上玉除助陽嘗麥

嬋順節進龜魚甘露垂天酒芝花

一作捧御書合

一作捧御書合

丹同蝮蜓灰骨共蟾蜍今日傷地意銜珠遂闕如

奉和聖製春中興慶宮酺宴應制

千齡逢啓聖萬域共來威慶接郊禋後酺承農事

稀御樓橫廣路天樂下重闈鸞鳳調歌曲虹霓動
舞衣合聲雲上聚連步月中歸物覩恩無外神和
道入微鎬京陪樂飲柏殿奉文飛徒竭秋雲影何
資春日暉

奉和聖製千秋節宴應制

五德生王者千齡啓聖人赤光來照夜黃雲上覆
晨海縣銜恩久朝章獻壽新高居帝座出夾道衆
官陳檟杖洗清景磬管凝秋旻珠囊含瑞露金鏡
抱仙輪何歲無鄉飲何田不報神薰歌與名節傳

詩紀
初唐卷之四十五
代幸羣臣

奉和聖製太行山中言志應制

六龍鳴玉鑾九折步雲端河絡南浮近山經北上
難羽儀映松雪戈甲帶春寒百谷晨笳動千巖曉
仗攢皇心感韶節敷藻念人安旣立省方館復建
禮神壇扈蹕參天老承榮忝夏官長勤百年意思
見一勝殘

奉和御製與宋璟源乾曜同日上官命宴

東堂賜詩應制

大塊鎔羣品經生偶聖時猥承三任命虛忝百僚
師右揆謀華碩前星傳重資連騫求舊禮濫典樂
賢詩賜釜同榮拜揆金宴宰司菊花吹御酒蘭葉
捧天詞寶歷休明盛頽年晷漏衰少留青史筆未
敢赤松期

奉和聖製暇日與兄弟同遊興慶宮作應

制

漢武橫汾日周王宴鎬年何如造區夏復此睦親
賢巢鳳新成閣飛龍舊躍泉棣華歌尚在桐葉戲

仍傳禁籟氛埃隔平臺景物連聖慈良有裕王道
固無偏問俗兆人阜觀風五教宣獻圖開益地張
樂奏鈞天侍酒一作酌衢樽滿詢芻諫鼓懸永言形
友愛萬國共周旋

奉和聖製送王峻巡邊應制

六月歌周雅三邊遣

一作論

夏卿欲施

一作知

攻戰法

先作簡稽行禮樂知謀帥春秋識用兵一勞堪定
國萬里卽長城策有和戎利威傳破虜名軍前雨
灑道樓上月臨營別藻瑤華降同衣錦褱榮關山

由義近戎馬

一作甲

爲恩輕絲竹路傍散風雲馬上

生朝廷謂吉甫邦國望君平

將赴朔方軍應制

禮樂逢明主韜鈴用老臣恭憑神武策遠御

一作靜

作

鬼方人供帳榮恩餞山川喜詔巡天文日月麗朝
賦管絃新幼志傳三畧衰材謝六鈞膽猶忠作伴

一作屏

心故

一作固

道爲鄰

漢保河南地胡清塞北塵

連年大軍後不日小康辰劍舞輕離別歌酣忘苦
辛從來思博望許國不謀身

奉和聖製爰因巡省途次舊居應制

葱鬱興王郡殷憂啓聖圖周成會西土漢武幸南
都歲卜鑿輿邁農祠鴈政敷武威稜外域文教靡
中區警蹕干戈捧朝宗萬玉趨舊藩人事革新化
國雄殊壁有真龍畫庭餘鳴鳳梧叢觴祝堯壽合
鼎獻湯厨陽樂寒初變春恩蟄更蘇三者頒命服
五稔復田輸君賦大風起人歌湛露濡從臣觀玉
葉方願紀靈符

宿直溫泉宮羽林獻詩

冬狩美秦正新豐樂漢行星陳玄武閣月對羽林
營寒木羅霜仗空山響夜更恩深靈液煖節效一作
勁古松貞文武皆王事輸心不爲名

玄武門侍射并序

開元之初季冬其望天子始御北闕朝羽林軍
禮修事厥後二日乃命紫微黃門九卿六事與
熊羆之將爪牙之臣合宴焉侑以純錦頒以珍
噐爾其射棚新成布侯旣設槊仗林立帷軒霧
布衆官半醉皇情載悅卷珠箔臨玉除唐弓在

手夏箭斯發應弦命

一作屢

中屬羽連飛弧矢以

來未之有也若夫天地合道星辰獻儀端視和

容內正外直自近而制遠耀威而觀德無不通

神無不極用是射也其惟聖人乎于時繁雲覆

城大雪飛苑天人同澤上下交歡退食懷恩賦

詩頌義凡若干篇

射觀通玄闕兵欄闢御筵雕弧月半上畫的暈重

圓羿后神幽贊靈王法暗傳貫心精四返飲羽妙

三聯雪鶴來銜箭星麟下集弦一逢軍宴洽萬慶

武功宣

危從南出雀鼠谷

豫動三靈贊時巡四海威陝

一作

關凌曙出平路

半春歸霍鎮迎雲罕

一作

汾河送羽旂山南柳半

密谷北草全稀遲日宜華蓋和風入袷

一作

衣上

林千里近應見百花飛

洛橋北亭詔餞諸刺史

離亭拂御溝岍曲舞船樓詔餞朝庭牧符分海縣

憂股肱還入郡父母更臨州扇逐仁風轉車隨霖

一作靈雨流恩光水上溢榮色柳間浮預待羣方最
三公不遠求

東都酬宴

堯舜傳天下同心致太平吾君內舉聖遠合至公
情錫命承丕業崇親享大名二天資廣運兩曜益
齊明道暢昆蟲樂恩深朽蠹榮皇輿久西幸留鎮
在東京合宴千官入分曹百戲呈樂來嫌景遽酒
著訝寒輕喜氣連雲閣歡呼動洛城人間知幾代
今日見河清

奉酬韋祭酒嗣立偶遊龍門北谿忽懷驪
山別業呈諸留守之作

石澗泉虛落松崖路曲迴聞君北谿下想像南山
隈近念鼎湖別遙思雲嶂陪不同奇觀往空觀斯
文來歲後寒初變春前芳未開黃蕤裊岍柳紫萼
一作荅折村梅盡室茲遊翫盈門幾樂哉嗟留洛陽
陌夢詣建章臺野失巢由性朝非元凱才布懷欽
遠迹幽意日塵埃

奉酬韋祭酒自湯還都經龍門北谿莊見

貽之作

聞君湯井至瀟灑憩郊林拂曙携清賞披雲觀一作

親綠岑歡言遊覽意欵曲望歸心是日期佳客同

山忽異尋桃花迂一作緣路轉楊柳間門深汎舟伊

水漲繫馬香樹陰繁絃弄水族嬌吹狎沙禽春滿

汀色媚景斜嵐氣侵懷仁殊未遠重德匪專臨來

藻敷幽思連詞報所欽

酬崔光祿冬日述懷贈答并序

太極殿衆君子分司洛城自春涉秋日有遊討

既而韋公出守茲樂便廢頃因公讌方接詠言

崔光祿述志論文首貽雅唱諸公嘉德敘事成

有報章若夫盛時榮位華景勝會此四者古難

一遇而我輩比實兼之至於精言探道妙識發

義戲謔而逢規戒指諷而見師表益過三友豈

易得乎謂膏澤傍潤芝蘭久襲韋公近之矣以

文會友以友輔仁崔公近之矣其餘尋聲響答

望形影赴故亦浚碧池之漣漪增瑤林之沃若

是用綴集勒成一卷永存几閣之翫無忘歡好

之時焉

徐陳嘗並作枚馬亦同時各負當朝譽俱承明主
私夫君邁前侶觀國騁竒姿山似鳴威鳳泉如出
寶龜才雄子雲筆學廣仲舒帷紫綬拂三寺朱門
臨九達昔我含香日聯爾縉雲司朝携蘭省步夕
退竹林期中路一分手數載來何遲求友還相得
羣英復在茲留臺少人務方駕遞尋追涉玩懷同
賞霑芳憶共持迎賓南澗飲載妓東城嬉春郊綠
畝秀秋澗白雲滋名畫披人物良書討滯疑興來

光不惜歡往迹如遺歲晏罷行樂層城間所思夜
魂燈處厭朝髮鏡前衰忽枉崔駟什兼流韋孟詞
曲高彌寡和主善代爲師齊戒觀華玉留連歎色
絲終慙起予者何足與言詩

同劉給事城南宴集

英華作宋
之問詩

水竹幽閑地簪纓近侍臣雍容乘暇日瀟灑出囂
塵樹對思朋鳥池深入養鱗管弦高逐一作吹歌
舞妙含春老子叨專席歡邀隔縉紳此中情不淺
遙寄賞心人

溫泉馮劉二監客舍觀妓

溫泉寒林薄一作暮羣遊樂事多佳人蹀駿馬乘月
夜相過秀色然紅黛嬌香發綺羅鏡前鸞對舞琴
裏鳳傳歌妬寵傾新意銜恩奈老何爲君留上客
歡笑斂雙蛾

寄許八

萬類春皆樂徂顏獨不怡年來人更老花發意先
衰乳鵲穿壇畫巢蜂觸網絲平生美容色宿昔影
中疑遠道何由夢同心在者誰西風欲誰語憫默

遂無詞

送蘇合宮頌

都邑羣方首商泉舊俗訛變風須愷悌成化佇絃
歌疇昔珪璋友雍容文雅多振纓遊省闈鏘玉宰
京河別曲鸞初下行軒雉尚過百壺非餞意流詠
在人和

送喬安邑備

書閣移年歲文朋難復辭歡言冬雪滿恨別夏雲
滋外尹方爲政高明自不欺老人駟馭往童子狎

言
雜
雞嬉日茂西河俗寂寥東觀期遙懷秀才令京洛
見新詩

送趙二尚書彥昭北伐

虜地河水合邊城備此時兵連紫塞路將舉白雲

司提劍榮中貴一作賞銜珠盛出師日華光一作鮮組

練風色焰一作艷旌旗投筆尊前起橫戈馬上辭梅

花吹別引楊柳賦新一作歸詩

石門別楊六欽望

燕人同竄越萬里自相哀影響無期會江山此地

來暮年傷汎梗累日慰寒灰潮水東南落浮雲西

北迴俱看石門遠倚棹兩悲一作悠哉

南中送北使二首

傳聞合浦葉曾向洛陽飛何日南風至還隨北使

歸紅顏渡嶺歇白首對秋衰高歌何由見層堂不

可違誰憐炎海曲淚盡血沾衣

待罪居重譯窮愁暮雨秋山臨鬼門路城繞瘴江

流人事今如此生涯尚可求逢君入鄉縣傳我念

京周別恨歸途遠離言暮景道夷歌翻下淚虜酒

未消愁聞有胡兵急深懷漢國羞和親先是詐款
塞果爲讎釋繫應分爵蠲徒幾復侯廉頗誠未老
孫叔且無謀若道馮唐事皇恩尚可收

送趙順直郎中赴安西副大都督

絕鎮功難立懸軍命匪輕復承遷

一作還

相後彌重

任賢情將起神仙地才稱禮樂英長心堪繫虜短
語足論兵日授休門法星教置陣名龍泉恩已著

一作署

一作

燕領相終成月窟窮天遠河源入塞清老夫

操別翰承旨頌昇平

送宋休遠之蜀任

求友殊損益行道異窮申綴我平生氣吐贈薄遊
人結恩事明主忍愛遠辭親色麗成都俗膏腴蜀
水濱如何從宦子堅白共緇磷日月千齡旦河山
萬族春懷鉛書瑞府橫草事邊塵不及安人吏能
令王化淳

岳州別梁六入朝

遠莅長沙渚欣逢賈誼才江山疲應接風日復晴
開江樹雲間斷湘山水上來近洲朝鷺集古戍夜

詩已

言終
初唐卷之四十五
其
猿哀岍、含蒼、河蒲秀紫臺月餘偏地賞心盡
故人杯自我違京洛嗟君此泝洄容華因別老交
舊與年頽夢見長安陌朝宗實盛哉

今王公相州冬日早衙

城外宵鍾歛閨中曙火殘朝光曜庭雪宿凍聚池
寒正色臨廳事疑詞定筆端除苛囹圄息伐枳吏
人寬河內功猶淺淮陽疾未安鏡中星髮變頓使
世情闌

初唐第四十五

初唐第四十六

唐詩紀四十六

鄆郡吳瑄彙編

江都陸弼同校

張說

六
五言排律

岳州西城

水國何遼曠風波遂極天西江三紀合南浦二湖
連危堞臨清境煩憂暫豁然九圍觀掌內萬象閱
眸前日去長沙渚山橫雲夢田汀葭變秋色津樹

入寒煙潛穴探靈詭浮生揖聖仙至人今不見跡
滅事空傳

岳州觀競渡

畫作飛鳧艇雙雙競拂流低裝山色變急棹水華
浮土尚三閭俗江傳二女遊齊歌迎孟姥獨舞送
陽侯鼓發南湖澹標爭西驛樓並驅恒詫速非畏
日光道

對酒行巴陵作

留侯封萬戶園令壽千金本爲成王業初由賦上

林繁榮安足恃霜露遞相尋鳥哭楚山外猿啼湘
水陰夢中城闕近天畔海雲深空對忘憂酒離憂
不去心

岳州宴姚紹之

并序

姚司馬徃在栢臺每欽骨鯁及茲荒服偶得官
聯復有令弟美胤芬芳襲予山寺外廬幽深形
勝童冠是集歡言賦詩

杞梓滯江濱光華向日新難兄金作友媚子玉爲
人山水含秋興池亭借善鄰簷松風送靜院竹鳥

來馴翠竿吹黃菊瑀盤鱸紫鱗緩歌將醉舞爲拂
繡衣塵

岳州九日宴道觀西閣

搖落長年歎蹉跎遠宦心北風嘶代馬南浦宿陽
禽佳此黃花酌酣餘白首吟涼雲霾楚望濛雨蔽
荆岑登眺思清景誰將眷濁陰釣歌出江霧樵唱
入山林魚以嘉名采木爲美材侵大道由中悟道
遙匪外尋叅佐多君子詞華妙賞音留題洞庭觀
望古意何深

岳州作

水國生秋草離居再及瓜山川臨洞穴風日望長
沙物土南州異關河北信賒日昏聞怪鳥地熱見
脩蛇遠人夢歸路瘦馬嘶去家正有江潭月裴徊
戀九華

遊洞庭湖

平湖曉望分仙嶠氣氛氲鼓枻乘清渚尋峯弄白
雲江寒天一色日靜水重紋樹坐叅猿嘯沙行入
鷺羣緣源斑篠密宵徑綠蘿紛洞穴傳虛應楓

一作

言系
林覺自薰雙童有靈藥願取獻明君

巴丘春作

日出洞庭水春山掛斷霞江渚相映發卉木共紛
華湘戍南浮闊荆關北望賒湖陰窺魍魎丘勢辨
巴蛇島戶巢爲館漁人艇作家自憐心問景三歲
客長沙

岳州夜坐

炎洲苦三伏永日臥孤城賴此閑庭夜蕭條夜月
明獨歌還太息幽感見餘聲江近鶴時叫山深猿

屢鳴息心觀有欲棄知返無名五十知天命吾其
達此生

別澨湖

念別澨湖去浮舟更一臨千峯出浪險萬木抱煙
深南郡延恩渥東山戀宿心露花香欲醉時鳥轉
餘音涉趣皆留賞無奇不遍尋莫言山水間幽意
在鳴琴

伯奴邊見歸田賦因投趙侍銜

爾家歎窮鳥

窮鳥用趙壹賦故曰爾家

吾俗賦歸田

用張衡

莫道

詩紀
初唐卷之四十六
榮枯異同嗟世網牽黃陵浮汨渚青歲會湘川去
國逾三歲茲山老二年寒鴉鳴舍下昏虎卧籬前
客淚堪斑竹離憂欲贈荃放言又無次觸興感成
篇

清遠江峽山寺

流落經荒外逍遙此梵宮雲峯吐日月石壁淡煙
虹寶塔靈仙湧懸龕造化功一作天香涵竹氣虛
唄引松風簷牖飛花入廊房激水通猿鳴知谷靜
魚戲辨江空靜默將何貴所貴心境同

春雨早雷

東北春風至飄飄帶雨來拂黃先變柳點素早驚
梅樹藹懸書閣煙含作賦臺河魚未上凍江蟄已
聞雷美人宵夢著金屏曙不開無緣一啓齒空酌
萬年杯

聞雨

窮冬萬花匝永夜百憂攢危戍臨江火空齋入雨
寒斷猿知屢別嘶鴈覺虛彈心對爐灰死顏隨庭
樹殘舊恩懷未報傾膽鏡中看

言
救歸在道中作

陳焦心息盡死意不期生何幸光華旦流人歸上
京愁將網共解服與代俱明復是三階正還逢四
海平誰能定禮樂爲國著功成

喜度嶺

東漢興唐曆南河復禹謀寧知瘴癘地生入帝皇
州雷雨蘇蟲蟄春陽放鸞鳩泅沿炎海畔登降閩
山陬嶺路分中夏川源得上流見花便獨笑看草
卽忘憂自始居重譯天星已再周鄉關絕歸望親

戚不相求棄杖枯還植窮鱗涸更浮道消黃鶴去
運啓白駒留江妾晨炊黍津童夜濯舟盛明良可
遇莫後洛城陽一作遊

五言絕句

奉和聖製潼關口號應制

天德平無外關門東復西不將千里隔何用一丸
泥

奉蕭令嵩酒并詩

已下三首俱
賜宴東堂作

樂奏天恩滿杯來秋興高更蒙蕭相國對席飲醇

醪

奉宇文黃門融酒

聖德重甘露天章下大風又乘黃閣賞願作黑頭

公

奉裴中書光庭酒

西掖恩華降南宮命席闌詎知雞樹後更接鳳池

歡

清夜酌

秋陰士多感雨息夜無塵清樽宜明月復有平生

人

醉中作

醉後樂無極

一作無窮樂又作方知樂

彌

一作全

勝未醉時動容

皆是舞出語總成詩

送梁知微渡海東

今日此相送明年此相待天上客星迴知君渡東

海

寄劉道士鳥

真人降紫氣邀我丹田宮遠寄雙飛鳥飛飛不礙

空

答香能和尚塔

大師捐世去空餘法力在遠寄無礙香心隨到南海

被使在蜀

即今三伏盡尚自在臨邛歸途千里外秋月定相逢

正朝摘梅

蜀地寒猶煖正朝發早梅偏驚萬里客已復一年

來

蜀道後期

客心爭日月來往預期程秋風不相待先至洛陽城

廣州江中作

去國歲

一作年

方晏愁心轉

一作獨

不堪離人與

一作共

作

江水終日向西南

江中誦經

實相歸懸解虛心暗在通澄江明月內應是色成

詩紀

初唐卷之四十六

八

空

江中遇黃領子劉隆

危石江中起孤雲嶺上還相逢皆得意何處是鄉關

欽州守歲

故歲今宵盡新年明旦來愁心隨斗柄東北望春迴

岳州守歲二首

夜風吹醉舞庭戶對酣歌愁逐前年少歡迎今歲

多

桃枝堪辟惡爆竹好驚眠歌舞留今夕猶言惜舊

年

元朝

今歲元日

一作元日今歲

樂不謝往年春知向來心道誰

為昨夜人

耗磨日飲

耗磨傳茲日縱橫道未宜但令不忌醉翻是樂無為

詩紀

初唐卷之四十六

九

九日進茱萸山詩五首

家居洛陽下舉目見高山刻作茱萸節情生造化間

黃花宜汎酒青嶽好登高稽首明廷內心爲天下勞

菊酒携山客萸囊繫牧童路疑隨大隗心似問鴻蒙

九日重陽數三秋萬實成時來謁軒后罷去坐蓬瀛

晚節歡重九高山上五千醉中知遇聖夢裏見尋仙

岳州看黃葉

白首看黃葉徂顏復幾何空慙棠樹下不見政成歌

嶺南送使二首

獄中生白髮嶺外罷紅顏古來相送處凡得幾人還

萬里投荒裔來時不見親一朝成白首看取報家

人

傷妓人董氏四首

董氏嬌嬈性多為窈窕名人隨秋月落韻入擣衣聲

粉蓋粘粧籠金花竭翠條夜臺無戲伴魂影向誰嬌

舊亭紅粉閣宿處白雲關春日雙飛去秋風獨不還

舞席沾殘粉歌梁委舊塵獨傷窓裏月不見帳中

人

六言

破陳樂詞二首

樂苑曰商調曲也唐太宗所造
玄宗又作小破陳樂亦舞曲也

漢兵出頓金微照日光明鐵衣百里火燔焰焰千
行雲騎霏霏蹙踏遼河自竭鼓譟燕山可飛正屬
西方朝賀端知萬舞皇威

少年膽氣凌雲共許驍雄出羣匹馬城西挑戰單
刀薊北從軍一鼓鮮卑送款五餌單于解紛誓欲

成名報國羞將開閣論勲
萬玉朝宗鳳宸千金率領龍媒
歌弄影徘徊天鹿遙徵衛叔日龍上借義和將共兩駿爭舞來
隨八駿齊歌
綵旄八佾成行時龍五色因方屈膝銜杯赴節傾
心獻壽無疆

帝阜龍駒沛艾星蘭驥子權奇騰倚驤洋應節繁

驕接迹不移
二聖先天合德羣靈率土可封擊石駮驪紫燕攸

金顧步蒼龍
聖君出震應錄神馬浮河獻圖足踏天庭鼓舞心

將帝樂踟躕

七言絕句
奉和三日袞襖渭濱應制

青郊上巳艷陽年紫禁皇遊袞渭川幸得歡娛承

湛露心同草樹樂春天

詩已

詩已

言糸
初唐卷之四
三
桃花園馬上應制

林間艷色驕天馬苑裏穠華

一作粧

伴麗人願逐南

風飛帝席年年含笑舞青春

奉和聖製幸韋嗣立山莊應制

西京上相出扶陽東郊別業好池塘自非仁智符

天賞安能日月共迴光

奉和聖製同玉真公主遊大哥山池題石

壁

池如明鏡月華開山學香爐雲氣來神藻飛爲鵲

鵲賦仙聲颺出鳳皇臺

十五日夜御前口號踏歌詞二首

花萼樓前雨露新長安城裏太平人龍銜火樹千

重

一作燈

艷雞踏蓮花萬歲

一作樹

春

帝宮三五戲春臺行雨流風莫妬來西域燈輪千

影合東華金闕萬重開

蘇摩遮五首

摩遮本出海西胡琉璃寶服紫髯鬚聞道皇恩遍
宇宙來將歌舞助歡娛

繡裝帕

一作額寶花冠

夷歌騎舞借人看自能激

水成陰氣不慮今年寒不寒

臘月凝陰積帝臺豪

一作齊

歌急鼓送寒來油囊取

得天河水將添上壽萬年杯

寒氣宜人最可憐故將寒水散庭前惟願聖君無

恨壽長取新年續舊年

昭成皇后帝

一作之

家親榮樂諸人不比倫往日霜

前花委地今年雪後樹逢春

三月三日定崑池奉和蕭令得潭字韻

暮春三月日重三春水桃花滿襖潭廣樂逶迤天

上下仙舟搖衍鏡中酣

和尹從事悉汎洞庭

平湖一水望連天林景千尋下洞泉忽驚水上光

華滿疑是乘舟到日邊

送梁六自洞庭山作

巴陵一望洞庭秋日見孤峯水上浮聞道神仙不

可接心隨湖水共悠悠

同趙侍御望歸舟

山亭迴迴面長川江樹重重極遠煙形影相追一作

隨高翥鳥心腸併斷北風一作飛船

襄陽路逢寒食

去年寒食洞庭波今年寒食襄陽路不辭着處尋

山水祗畏還家落春暮

初唐第四十六

初唐第四十七

唐詩紀四十七

鄆郡吳瑄彙編

江都陸弼同校

蘇頲

字廷碩少有俊才一覽千言舉進士累遷監察御史神龍中拜中書舍人父瓌同中

書門下三品父事與宋璟同知政事後知益州大都督府長史事卒諡曰文憲頲襲封許國

公時稱小許公又與燕國公張說稱望畧同時號燕許○松牕錄云中宗嘗召宰相蘇瓌

李嶠子進見時皆童年帝謂曰汝等各以所通書取宜奏吾者言之頲應曰木從繩則正

后從諫則聖嶠子曰斯朝涉之脛剖賢人之

心帝曰蘇瓌有子李嶠無兒

五言古詩

奉和聖製行次成臯途經先聖擒建德之所感而成詩應制

漢東不執象河朔方鬪龍夏滅漸寧亂唐興終奮
庸皇威正赫赫兵氣何匆匆用武三川震歸淳六
代醲成臯覩王業天下致人雍卽此巡于岱曾孫
受命封

奉和聖製登蒲州逍遙樓應制

在昔堯舜禹遺塵成典謨聖皇東巡狩况乃經此

都樓觀紛迤邐河山幾縈紆緬懷祖宗業相繼文
武圖尚一作德既無險觀風諒有孚豈如汾水上
簫鼓事遊娛

奉和聖製過晉陽宮應制

隋運與天絕生靈厭氛昏聖期在寧亂士馬興太
原立極萬邦推登庸四海尊慶膺神武帝業付皇
曾孫緬慕封唐道追惟歸沛魂詔一作書感先義
典禮巡舊藩高殿綵雲合春旗祥風翻率西見汾
水奔北空一作窺塞垣欵曲童兒佐依遲故老言里

言系 頌慈惠賞家受復除恩下輦崇三教一作都建碑

當九門孝思敦一作至美億載奉開元

奉和姚令公温湯舊館永懷故人盧公之

作

樹德豈孤邁降神良並出偉茲廊廟楨一作調彼

鹽梅實正悅虞垂舉翻悲鄭僑卒同心不可忘交

臂何為失清路荷前幸明時稱右弼曾聯野外迷

一作尚記帷中密新慟情莫遣舊遊詞更述空令

屬和長歎一作知音日

和杜主簿春日有所思

朝上高樓上俯見洛陽陌搖蕩吹花風落英紛已

積美人不共此芳好空所惜攬鏡塵網滋當牕苔

蘚碧緬懷在雲漢良願睽枕席翻似無見時如何

久為客

餞郢州李使君

楚有章華臺遙遙雲夢澤復聞擁符傳及是收圖

籍佳政在離人能聲寄侯伯離懷朔風起試望秋

陰積中路悽以寒羣山靄將夕傷心聊把袂怊悵

言糾
帳望麒麟客

餞唐州高使君赴任

永日奏文一作對時東風搖蕩夕浩然思樂事翻復

餞征客淮水春流清楚山暮雲白勿言行路遠所

貴專城伯

曉濟膠川南入密界

飲馬膠川上傍膠南趣密林遙飛鳥遲雲去晴山

出落暉隱桑柘秋原一作深秋被花實慘然遊子寒風

露將蕭瑟

夜發三泉即事

暗發三泉山窮秋聽騷屑北林夜鳴雨南望曉成

雪祗詠北風涼詎知南土熱沙谿忽沸渭石道乍

明滅宛若銀積橫復如瑤臺結指程賦一作則所戀

遇虞不遑歇重續濡莫解懸旌凍猶揭下奔泥棧

楷上觀雲梯設搏頰羸馬頓回眸惴人跌憧憧往

復還心注思逾切冉冉年將病力困衰怠竭天彭

信方隅地勢誠斗絕忝曳尚書履叨兼使臣節京

坻有歲饒亭障無邊孽歸奏丹墀左騫能俟來哲

小園納涼卽事

煩暑避蒸鬱居閑習高明長風自遠來層閣有餘
清散灑納涼氣蕭條遺世情奈何誇大隱終日繫
塵纓

昆明池晏坐答王兵部珣三韻見示

畫舸疾如飛遙遙汎夕暉石鯨吹浪隱玉女步塵
歸獨有銜恩處明珠在釣磯

蜀城哭台州樂安少府

遠遊躋劔閣長想屬天台萬里隔三載此邦余重

來音容曠不覩夢寐殊悠哉邊郡饒藉藉晚庭正
回回喜傳上都封因促傍吏開向悟海鹽客已而
梁木摧變衣寢門外揮涕少城隈却記分明得猶
持委曲猜師儒昔訓獎仲季時童孩服義題

陳一作

書篋邀歡汎酒杯暫令風雨散仍迫歲時迴其道
惟正直其人信美俛白頭還作尉黃綬固非才可
歎懸蛇疾先貽問鵬災故鄉閉窮壤宿草生寒茔
零落九原去蹉跎四序催曩期冬贈橘今哭夏成
梅執禮誰爲贈居常不徇財北登嶺巘坂東望姑

蘇臺天路本懸絕江波復一作空沂泗念孤心易斷
追往恨艱裁不遂卿將伯孰云陳與雷吾衰亦如
此夫子復何哀

七言古詩

奉和聖製春臺望應制

壯麗天之府神明王者宅大君乘飛龍登彼復懷
昔圓闕朱光焰橫山翠微積河汧流作表縣聚開
成陌卽舊在皇家維新具物華雲連所上居恒屬
日更時中望不斜三月滄池搖積水萬年青樹綴

新

一作點驚

花暴羸國此嘗圖霸業後仁先以詐東

破諸侯西入秦咸陽北阪南渭津詩書焚蕪散學
士高閣奢踰嬌美人事往覆輒經遠喻春還按蹕
憑高賦戎觀愛力深惟省越厭陳方何足務清吹
遙遙發帝臺宸文耿耿照天迴伯夷位事愚臣忝
喜奏聲成鳳鳥來

長相思

君不見天津橋下東流水南望龍門北朝市楊柳
青青宛地垂桃紅李白花參差花參差柳堪結此

詩經 卷之四十七
時憶君心斷絕

五言律詩

立春日侍宴內出剪綵花應制

曉入宜春苑穠芳吐禁中
剪刀因裂素妝粉為開
紅彩異驚流雪香饒點
便風裁成識天意萬物與
花同

春日芙蓉園侍宴應制

御道紅一作虹旗出芳園
翠輦遊繞花開水殿架竹
起山樓荷芰輕薰幄魚龍
出負舟寧如穆天子空

賦白雲秋

奉和聖製人日清暉閣宴羣臣遇雪應制

樓觀空煙裏初年瑞雪過
苑花齊玉樹池水作銀
河七日祥圖啟千春御賞
多輕飛傳綵勝天上奉
薰歌

奉和七夕宴兩儀殿應制

靈媛乘秋發仙裝警夜催
月光窺欲渡河色辨應
來機石天文寫針樓御賞
開竊觀棲鳥至疑向鵲
橋迴

奉和九日幸臨渭亭登高應制 得時字

嘉會宜長日高筵順動時曉光雲外洗晴色雨餘

滋降鶴因韶德吹花入御詞願陪陽數節億萬九

秋期 紀事作并數登高日延齡命賞時宸遊天上

轉秋物雨來滋降鶴承仙馭吹花入睿詞微
臣復何幸長得奉恩私
語多不同今並載之

遊禁苑幸臨渭亭遇雪應制

平明敞帝居霰雪下凌虛寫月含珠綴從風薄綺

疏年驚花絮早春夜管絃初已屬雲天外欣承霈

澤餘

奉和送金城公主適西蕃應制

帝女出天津和戎轉鬪 一作輪川經斷腸望地與

析支隣奏曲風嘶馬銜悲月伴人旋知偃兵革長

是漢家親

奉和聖製登驪山高頂寓目應制

仙蹕御層氛高高積翠分巖聲中谷應天語半空

聞豐樹連黃葉函關入紫雲聖圖恢寓縣歌賦小

一作潢汾

幸白鹿觀應制

碧虛清吹下藹藹入仙宮松磴攀雲絕花源接澗
空受符邀羽使傳訣駐香童詎似閑居日徒聞有
順風

題壽安王主簿池館

洛邑通馳道韓郊在屬城館將花雨映潭與竹聲
清賢俊鸞栖棘賓遊馬佩蘅願言隨狎鳥從此濯
吾纓

扈從溫泉奉和姚令公喜雪

清道豐人望乘時漢主遊恩暉隨霰下慶澤與雲

浮泉煖驚銀磧花寒愛一作映玉樓鼎臣今有問河
伯且應留

秋社日崇讓園宴得新字

鳴爵三農稔勾龍百代神運昌叨輔弼時泰喜黎
民樹缺池光近雲開日影新生全應有地長願樂
交親

奉和魏僕射秋日還鄉有懷之作

南宮夙拜罷東道晝遊初飲餞傾冠蓋傳呼問里
閭樹悲懸劔所谿想釣璜餘明發輝光至增榮一作

言糸
不居卷之四十一
九
聞喧駟馬車

武檐山寺

武檐獨蒼然墳山下玉泉鼈靈一作時共盡龍女
事同遷松柏銜哀處幡花種福田詎知留鏡石長
與法輪圓

餞潞州陸長史再守汾州

河尹政成暮為汾昔所推不榮三入地還美再臨
時擁傳雲初合聞鶯日正遲道傍一作多出餞別
有吏民思

餞荊州崔司馬

茂禮雕龍昔香名展驥初水連南海漲星拱北辰
居稍發仙人履將題別駕輿明年徵拜入荆玉不
藏諸

送吏部李侍郎東歸

得歸字

陌上有光輝披雲向洛畿賞來榮扈從別至惜分
飛泉溜舍風急山煙帶日微茂曹今去矣人物喜
東歸

送光祿姚卿還都

詩紀

初唐卷之四十一

漢室有英台荀家寵俊一作多寵才九卿朝已入三子
暮同來不授綸爲草還司鼎用梅兩京王者宅駟
馬日應廻

春晚送瑕丘田少府還任因寄洛中鏡上人

聞道還沂上因聲寄洛濱別時花欲盡歸處酒應
春聚散同行客悲歡屬故人少年追樂地遙贈一
霑巾

送賈起居奉使入洛取圖書因便拜覲

舊國才因地當朝史命官遺文徵闕簡還思采芳
蘭傳發關門候觴稱邑里歡早持京副入旋佇洛
書刊

送常侍舒公歸覲

朝聞講藝餘晨省拜恩初訓胄尊庠序榮親耀里
閭朱丹華轂送斑白綺筵舒江上春流滿還應薦
躍魚

興州出行

危途曉未分驅馬傍江濱
滴滴泣花露微微出岫

雲松梢半吐月蘿翳漸移曛旅客腸應斷吟猿更
使聞

邊秋薄暮一作出塞

海外秋鷹擊霜前旅鴈歸邊風思鞞鼓落日慘旌
麾浦暗漁舟入川長獵騎稀客悲逢薄暮况乃事
戎機

曉發方騫驛

傳置遠山蹊龍鐘蹴澗泥片陰常作雨微照已生
竟鬢髮愁氛換心情險路迷方知向蜀老偏識子

規啼

經三泉路作

三月松作花春行日漸賒竹障一作妨山鳥路藤蔓

一作沒野人家透石飛梁下尋雲絕磴斜此中誰與

樂揮涕語年華

故高安大長公主挽詞

彤管承師訓青圭備禮容孟孫家代寵元女國朝
封柔軌題貞順閑規賦肅雍寧知落照盡霜吹入
悲松

詩已

初唐卷之四十七

七

贈司徒豆盧府君挽詞

寵贈追胡廣親臨比賀循幾聞投劔客多會服總
人草閉墳將古松陰一作地不春二陵猶可望存
歿有忠臣高安大員公主

故右散騎常侍舒國公褚公挽詞

陽翟疏豐構臨平演慶源學筵尊授几儒服寵乘
軒審諭留中密開陳與上言徂暉一不借空有賜
東園

初唐第四十七

初唐第四十八

唐詩紀四十八

鄆郡吳瑄彙編
江都陸弼同校

蘇頌

七言律詩

奉和初春幸太平公主南莊應制

主第山門起灞川宸遊風景入初年鳳凰樓下交
天仗烏鵲橋頭一作邊敞御筵往往花間逢綵石時
時竹裏見紅泉今朝扈蹕平陽館不羨乘槎雲漢

言系
邊

奉和春日幸望春宮應制

東望望春春可憐更逢晴日柳含煙宮中下見南

山盡城上平臨北斗懸細草偏承迴輦處輕花微

落奉觴前一作飛花故落舞筵前宸遊對此歡無極鳥哢聲

聲入管絃一作鳥哢歌聲雜管絃

人日重宴大明宮恩賜綵縷人勝應制

疏龍磴道切昭回建鳳旗門繞帝臺七葉仙萸依

一作承月吐千株御柳拂煙開初年競帖宜春勝長

命先浮一作添獻壽杯是日皇一作最靈知竊幸羣心

就一作能捧大明來

侍宴安樂公主山莊應制

駸駸羽騎歷城池帝女樓臺向晚披霧灑旌旗雲

外出風迴巖岫雨中移當軒半落天河水繞逕全

低月樹枝簫鼓宸遊陪宴日和鳴雙鳳喜來儀

興慶池侍宴應制

降鶴池前迴步輦栖鸞樹杪出行宮山光積翠遙

疑逼水態含青近若空以上二句初云山光逼疑無地水態遙迎若有風

時為趙郡李又范陽盧從愿所賞但末句又押風字故易之 直視天河垂象外

俯窺京室畫圖中 皇歡未使恩波極 日暮樓船更起風

廣達樓下夜侍酺宴應制

東嶽封廻宴洛京 西墉通晚會公卿 樓臺絕勝宜春苑 燈火還同不夜城 正覩人間朝市樂 忽聞天上管絃聲 酺來萬舞羣臣醉 喜戴千年聖主明

龍池樂章 第七

西京鳳邸躍龍泉 佳氣休光鎮在天 軒后霧圖今

已得秦王水劍 昔常傳恩魚不入 昆明釣瑞鶴長 如太液僊願侍 巡遊同舊里 更聞簫鼓濟樓船

扈從鄠杜間 奉呈刑部尚書舅崔黃門馬常侍

翠輦紅旗出帝京 長楊鄠杜昔知名 雲山一一皆美 一作竹樹蕭蕭 一作畫不成 羽騎將過持袂 拂香車欲度捲簾行 漢家曾草巡遊賦 何似今來應聖明

景龍觀送裴十曹

言糸
不居卷之四十八
三
昔日嘗聞公主一作相第今時變作列仙家池傍坐
客穿叢篠樹下游人掃落花雨雪一作雲雨長疑向函
谷山泉直似到流沙君還洛邑分明記此處同來
閱歲華

春晚紫微省直寄內

直省清華接建章向來無事日猶長花間燕子棲
鳩鵲竹下鷓鴣繞一作宿鳳凰內史通宵承紫誥中
人落晚愛紅妝別離不慣無窮憶莫誤卿卿學太
常

贈彭州權別駕

雙流脉脉錦城開追餞年年往復迴祗道歌謠迎
半刺徒聞禮數揖中台黃鶯急轉春風盡斑馬長
嘶落景催莫愴分飛岐路別還當奏最掖垣來

寒食宴于中舍別駕兄弟宅

子推山上歌龍罷定國門前結駟來始覩元昆鏘
玉至旋聞季子佩刀迴晴花處處因風起御柳條
條向日開自有長筵歡不極還將一作持綵服詠南

陔

五言排律

奉和晦日幸昆明池應制

炎曆事邊陲昆明始鑿池豫遊光後聖征戰罷前
規霽色清珍宇年芳入錦陂御杯蘭薦葉仙仗柳
交枝二石分河瀉雙珠代月移微臣比翔泳恩廣
自無涯

奉和聖製幸禮部尚書竇希玠宅應制

尚書列侯第外戚近臣家飛棟臨青綺迴輿轉翠
華日交當戶樹泉漾滿池花圓頂圖嵩石方流擁

魏沙豫遊今聽履侍從昔鳴笳自有天文降無勞
訪海槎

奉和幸韋嗣立山莊應制

縱金寒野霽步玉曉山幽帝握期松子臣廬訪葛
侯百工徵往夢七聖扈來遊斗柄乘時轉台階捧
日留樹重巖籟合泉迸水光浮石徑喧朝履璜谿
擁釣舟恩如犯星夜歡擬濟河秋不學堯年隱空
令傲許由

奉和聖製送張說上集賢學士賜宴

得茲字

言系
不厚者之四一八
五
肅肅金殿裏招賢固在茲鏘鏘石渠內序拜亦同
時宴錫歡一作勤談道文成貴說詩用儒今作相敦
學舊爲師下際天光近中來帝渥滋國朝良史載
能事日論思

奉和聖製途經華嶽應制

朝望蓮花嶽神心就日來晴觀五千仞仙掌拓山
開受命金符叶過祥玉瑞陪霧披乘鹿見雲起馭
龍廻偃樹枝封雪殘碑石冒苔聖皇惟道契文字
勒巖隈

奉和聖製經河上公廟應制

河流無日夜河上有神仙輦路曾經此壇場卽宛
然下疑成洞穴高若在空中煙善物遺方外和光繞
道邊事因周史得言與一作向漢王傳喜屬膺期聖
邦家業又玄

奉和聖製答張說出雀鼠谷

雨施巡方罷雲從訓俗廻密途汾水衛清蹕晉郊
陪寒着山邊盡一作靜春當日下來御祠玄鳥應仙
仗綠楊開作頌音傳雅觀文色動台更知西向樂

宸藻協一作

鹽梅貴

奉和恩賜樂遊園宴應制

樂遊光地選醑飲慶天從座密千官盛場開百戲
容綠塍際山盡緹一作翠幕倚雲重下上花齊發周
迴柳遍濃奪晴紛劔履喧聽雜歌鐘日晚銜恩散
堯人併可封

恩制尚書省寮宴昆明池

同用堯字

露渥灑雲霄天官次斗杓昆明四十里空水極晴
朝鴈似銜紅葉鯨疑噴海潮翠山來徹底白日去

迴標泳廣漁杖溢浮深妓舫搖飽恩皆醉止合舞
共歌堯

奉和聖製幸望春宮送朔方大總管張仁
亶

北風吹早鴈日夕渡河飛氣冷膠一作葭應折霜明
草正腓老臣帷幄算元宰廟堂幾一作機餞飲迴仙
蹕臨戎解御衣軍裝乘曉發師律候春歸方佇勲
庸盛天詞降紫微

奉和聖製登太行山中言志應制

詩已

乃唐書卷之四十八

二

北山東入海馳道上連天順動三光注登臨萬象
懸俛觀河內邑平指洛陽川按蹕夷關險張旗亘
井泉曉巖中警柝春事下蒐田德重周王問歌輕
漢一作魏后傳宸遊鋪令典睿思起芳年願以封書
奏廻鑾禪肅然

奉和聖製漕橋東送新除岳牧

寶賢不遺俊臺閣盡鵷鸞未若調一作安人切其如
簡帝難上才膺出典中旨念分官特以專城貴深
惟列郡安政行思務本風靡屬勝殘有令田知急

無分獄在寬至言題睿札殊渥灑仙翰詔餞三台
降朝榮萬國歡舉杯臨水發張樂擁橋觀式佇東
封會鏘鏘檢玉壇

奉和聖製途次舊居應制

潞國臨淄邸天王別駕輿出潛離隱際小往大來
初東陸行春典南陽卽舊居約川星罕駐扶道日
旂舒雲覆連行在風廻助掃除木行城邑望臯落
土田疏昔試邦興后今過俗後予示威寧校獵崇
讓不陳魚府吏趨宸宸鄉耆捧帝車帳傾三飲處

閑整六飛餘盛業銘汾鼎昌期應洛書願陪歌賦
未畱比蜀相如

奉和聖製至長春宮登樓觀稼穡之作

帝迹奚其遠皇符之所崇敬時堯務作盡力禹稱
功赫赫惟元后經營自左馮變蕪秔稻實流惡水
泉通國阜猶有豹人疲詎昔熊黃圖巡沃野清吹
入離宮是閱京坻富仍觀都邑雄憑軒一何綺積
溜寫晴空禮節家安外和平俗在中見龍垂渭北
辭鴈指河東睿思方居鎬宸遊若飲豐寧誇子雲

從祗爲獵扶風

利州比佛龕前重於去歲題處作

重巖載看

一作戴清

美分塔起層標蜀守經塗處巴人

作禮朝地疑三界出空是六塵銷卧石鋪蒼蘚行
塍覆綠條歲年書有記非爲學題橋

閑園卽事寄韋侍御

結廬東城下直望江南山青靄遠相接白雲來復
還拂筵紅蘚上開幔綠條間物應春偏好情忘趣
轉閑憲臣饒美度

一作政

聯事惜徂顏有酒空盈酌

高車不可攀

扈從溫泉同紫微黃門羣公汎渭川

得齊字

虹旗映綠萸春仗漢豐西侍蹕浮清渭揚舲降紫泥近臨釣石地遙指釣璜谿岸轉帆飛疾川平棹舉齊傳舟來是用軒馭往應迷興闋

一作發菱歌動

沙洲亂夕鷺

餞趙尚書攝御史大夫赴朔方軍

勁虜欲南窺

一作飛

揚兵護朔陲趙堯寧易印鄧禹

卽分麾野餞迴三傑軍謀用

一作出

六奇雲邊愁

一作

看

出塞日下愴臨岐拔劍行人舞揮戈戰馬馳明

年麟閣上充國畫

一作拜

於斯

曉發興州入陳平路

旌節指巴岷年年行且巡暮來青嶂宿朝去綠江春魚貫梁緣馬猿奔樹息人邑祠猶是漢谿道卽名陳舊史饒遷謫恒情厭苦辛寧知報恩者天子一忠臣

同餞陽將軍兼源州都督御史中丞

右地接龜沙中朝任虎牙然明方改俗去病不爲

詩紀

初唐卷之四十八

十一

家將禮登壇盛軍容出塞華朔風搖漢鼓邊馬思
胡笳旗合無邀正冠危有觸邪當看勞還日及此
御溝花

扈從鳳泉和崔黃門喜恩旨解嚴罷圍之
作

輦路岐山曲儲胥渭水湄教成提將鼓禮備植虞
旗不取從畋樂先流去殺慈舜韶同舞日湯祝盡
飛時物應陽和施人知雨露私何如穆天子七萃
幾勞師

秋夜寓直中書呈黃門舅

簾櫳上夜鈎清切聽更籌忽共雞枝老還如騎省
秋循庭喜三入對渚憶雙遊紫紱名初拜黃縑迹
尚畱月舒當北幌雲賦直東樓恩渥迷天施童蒙
慰我求遲君台鼎節聞義一承流

先是新昌小園期京兆尹一訪兼郎官數
子自頃沈痾年復一年茲願不果率然成
章

獨好中林隱先期上月春閑花傍戶落喧鳥逼簷

馴寂寞東陂叟傳呼北里人在山琴易調開甕酒
歸醇佇望應三接彌留忽幾旬不疑丹火變空負
綠條新鬪蟻聞常日歌龍值此辰其如衆君子嘉
會阻清塵

奉和馬常侍寺中之作

怨暑時云謝愆陽澤暫偏鼎陳從祀日鑰動問刑
年絳服龍雩寢玄冠馬使旋作霖期傳說爲旱聽
周宣河嶽陰符啟星辰暗檄傳浮涼吹景氣飛動
灑空煙颯颯將秋近沈沈與暝連分湍涇水石合

頽雍州田德施超三五文雄賦十千及斯何以樂
明主敬人天

慈恩寺二月半寓言

二月韶春半三空霽景初獻來應有受滅盡竟無
餘化迹傳官寺歸誠謁梵居殿堂花覆席觀閣柳
垂疏共命枝間鳥長生水上魚問津窺彼岸一作鏡

迷路得真車行密幽關靜談精俗態祛稻麻欣所

遇

一作寓

蓬籜愴焉如不駐秦京陌還題蜀郡輿愛

離方自此迴望獨躊躇

餞澤州盧使君赴任

聞道降綸書爲邦建綵旗政憑循吏往才以貴卿
除詞賦良無敵聲華藹有餘榮承四岳後請絕五
天初關路通秦壁城池繞一作晉墟撰期行子賦
分典列侯居別望喧追餞離言繫慘舒平蕪寒菴
亂喬木夜蟬踈寥泚秋先起推移月向諸舊交何
以贈客至待烹魚

陳倉別隴州司戶李維深

京國自攜手同途欣解頤情言正的的春物宛遲

遲忽背雕戎役旋瞻獲寶祠蜀城余出守吳岳爾
歸思歡愜更傷此春殷殊念茲揚麾北林徑跂石
南澗湄中作壺觴餞回添道路悲數花臨磴日百
草覆田時有美同人意無爲行子辭酣歌拔劍起
毋是答恩私

奉和崔尚書贈大理陸卿鴻臚劉卿見示
之作

戲藻嘉魚樂棲梧高鳳飛類從皆有召聲應乃無
違美價逢時出奇才選衆稀避堂貽後政掃第一作

地發前幾出曳仙人履還薰侍女衣省中何赫奕
庭際滿芳菲吏部端清鑒永郎肅紫機會心歌詠
是迴迹宴言非北寺鄰玄闕南城寫翠微參差交
隱見髣髴接光輝賓序嘗柔德刑孚已霽威巨源
林下契不速自同歸

敬和崔尚書大明朝堂雨後望終南山見
示之作

奕奕輕車至清晨朝未央未央在霄極中路視咸
陽委曲漢京近周迴秦塞長日華動涇渭天翠合

岐梁五丈旌旗色百層粉棹光東連歸馬地南指
鬪雞場晴壑照金祀秋雲含璧璫由余窺霸國蕭
相奉興王功役隱不見頌聲存復揚權宜珍構絕
聖作寶圖昌在德期巢燧居安法禹湯冢卿才順
美多士賦成章價重三臺一作台俊名超百郡良焉
知掖垣下陳力自迷方

夜聞故梓州韋使君明當引紼感而成章
惻矣南鄰問冥然東岱幽里閉寧相杵朝歎忽遷
舟君心惟伯仲吾人復欵遊對連時亦早交喜歲

纔周序發扶陽贈文因司寇酬詎期危露盡相續
逝川流卧疾無三弔居閑有百憂振風吟一作鼓
夕明月照帷秋蘚駁題詩館楊疎奏伎樓共將歌
笑歎轉為弟兄留感物存如夢觀生去若浮余非
忘情者雪涕報林丘

五言絕句

奉和聖製過潼津關

在德何夷險觀風復往還自能同善閉中路可無
關

山鷓鴣詞二首

秋 玉關征戍久空閨人獨愁寒露濕青苔別來蓬鬢
人坐青樓晚鶯語百花時愁多人自老斷腸君不
知

汾上驚秋

北風吹白雲萬里渡河汾心緒逢搖落秋聲不可
聞

山驛閑卧即事

息燕歸簷靜飛花落院閑不愁愁自着誰道憶鄉關

將赴益州題小園壁

歲窮惟益老春至却辭家可惜東園樹無人也作花

詠禮部尚書廳後鵲

時將重入蜀

飛 懷印喜將歸窺巢戀且依自知棲不定還欲向南

詠死兔

紀事云瓊初未知頰有客詣瓊候於客次頰擁篲庭廡間客異其詠崑崙奴詩請加禮收舉瓊稍親之有人獻兔懸於廊廡召令詠之云云瓊覽詩異之

看 兔子死蘭彈持來挂竹竿試將明鏡照何異月中

七言絕句

夜宴安樂公主新宅

車如流水馬如龍仙史高臺十二重天上初移衡漢匹可憐歌舞夜相從

一作逢

侍宴桃花園詠桃花應制

詩已

初喜卷之四

七

詩系 初唐卷之四十八
桃花灼灼有光輝無數成蹊點更飛爲見芳林舍
笑待遂同温樹不言歸

奉和聖製幸韋嗣立莊應制

樹色參差隱翠微泉流百尺向空飛傳聞此處投
竿住遂使茲辰扈蹕歸

重送舒公

散騎金貂服綵衣松花水上逐春歸懸知邑里遙

相望事主榮親

一作樂事生榮

代所稀

雜詠

詠尹字

頽幼年有京兆尹過父瓌命詠尹字云

丑雖有足甲不全身見君無口知伊少人

闕題

紀事云長安盛遊春頽製詩云云明皇嘉賞以御花親插其巾上當時榮之

飛埃結紅霧遊蓋颺青雲

闕

初唐第四十八

[Faint bleed-through text from the reverse side of the page]

初唐第四十九

唐詩紀四十九

鄆郡吳瑄彙編

江都陸彌同校

趙冬曦

字闕定州人擢第拜左拾遺神龍初上言古律條目千餘開元初為監察御史

坐事流岳州還知史館歷官國子祭酒卒冬曦性放達不屑世事兄弟皆顯官張說云韋趙兄弟人之杞梓

陪張燕公登南樓

寬尉何以歡陰氛亦登望孤島輕霧裏行舟白波上目熒西北雲心醉東南嶂昔日青谿子胡然此

詩紀

初唐卷之四十九

無狀

酬燕公出湖見寄

綸紱有成命，旌麾不可攀。
湘川朝目斷，荆闕夕波還。
果枉東瞻唱，興言夕放閑。
攜琴仙洞中，置酒滄湖上。
芳景恣行樂，謫居忽如忘。
聚散本相因，離情自悲悵。
鸞翮非常戢，鵬天會昭曠。
永懷宛洛游，曾是彈冠望。

奉和張燕公早霽南樓

方曙躋南樓，凭軒肆一作遐矚。
物華蕩暄氣，春景

媚晴旭。川霽湘山孤，林芳楚郊縟。
列巖重疊翠，遠岸逶迤綠。
風帆摩天垠，魚艇散灣曲。
鴻歸鶴舞送，猿叫鶯聲續。
羣動皆熙熙，噫予獨羈束。
常欽才子意，忌鵬傷踈跼。
雅尚騷人文，懷沙何迫促。
未知二賢意去矣，從所欲。

滄湖作并序

巴丘南滄湖者，蓋沅湘澧汨之餘波焉。茲水也，淪匯洞庭，澹澹千里。夏潦奔注，則決爲此湖。冬霜旣零，則涸爲平野。按爾雅云：水反入爲滄。斯

言終
初唐卷之四十九
名之作有由焉爾而此鄉炎暑子月草生彌望
青青相與遊藉豈盈虛之可歎亦風景之多傷
感物增懷因書其事

三湖返入兩山間畜作滄湖灣復灣暑雨奔流潭
正滿微霜及潦水初還水還波卷谿潭涸綠草芊
芊岸蘄岸適來一作方飛棹共迴旋已復揚鞭恣行
樂道傍耆老步躑躑楚言茲事不知年試就湖邊
披草徑莫疑東海變桑田君訝今時盡陵陸我看
明歲更淪漣來今自昔無終始人事迴環常若是

應一作懸思闕下聲華日誰謂江潭旅遊子初真正
喜固當然往蹇來譽宜可俟盈虛用捨輪輿旋勿
學靈均遠問天

和燕公岳州山城

爲吏思猶舊投沙惠此蒙江邊攸爾處泗上宛然
同訪道精言合論經大義通鳴琴有真氣况已沐
清風

和尹忭秋夜遊滄湖二首

政理常多暇方舟此沂泗吹笙虛洞荅舉楫便風

催山暗雲猶辨潭幽月稍來清谿無數曲未盡莫
先迴

煙靄夕微蒙幽灣賞未窮艤舟待初月褰幌招遠
風鶴聲聒前浦漁火明暗叢東山雲壑意不謂爾
來同

陪燕公遊滙湖上寺

江外多山水招要步馬來琴將天籟合酒共鳥歌
一作催巖坐攀紅藥谿行愛綠苔所懷非此地遊
望亦裴徊

答張燕公翻著葛巾見呈之作

美酒值芳春醒余氣益真降歡時倒履乘興偶翻
巾徐榻思方建左車理自均傲然歌一曲一醉濯
纓人

奉答燕公

語別意淒淒零陵湘水西佳人金谷返愛子洞庭
迷舊館逢花發他山值鳥啼江天千里望誰見綠
蘋齊

奉和聖製同二相已下羣官樂遊園宴

言終
不居卷之四十九
四
爽塏三秦地芳華二月初酺承奠璧罷宴是合錢
餘柳翠垂堪結桃紅卷欲舒從容會鷓鷯延蔓戲
龍魚喜氣流雲物歡聲浹里閭聖恩將報厚一作厚意
請述記言書

奉和聖製答張說扈從南出雀鼠谷

軒轅應順動力牧正趨陪道合殷爲礪時行楚有
材省方西禮設振旅北京迴地理分中壤天文照
上台寒依汾谷去春入晉郊來竊比康衢者長歌
仰大哉

奉和聖製送張說上集賢學士賜宴

賦得連字

淺術方觀海深恩忽見天學開丹殿籍名與石渠
賢良輔膺休命微生謬采甄春餘仍哢鳥夏近未
舒蓮牋札來宸禁衣冠集詔筵史臣知醉德欲記
升中一作平年

陪燕公行郡竹籬

良臣乃國寶

一作楨

麾守去承明外戶人無閉浮江

獸已行隨來晉盜逸民化蜀風清郭郭從彝典州
閭荷德聲小人被天渥流落巴丘城所賴中和作

優游鑿與耕

奉答燕公

誰道零陵守東過此地遊友僚同省閣昆弟接荆
州我逐江潭鴈君隨海上鷗屢傷神氣阻久別鬢
毛秋疑嶺春應遍陽臺雨欲收主人情未盡高駕
少淹留

和燕公別澨湖

南湖美泉石君子翫幽奇灣澳陪臨泛巖崕共踐
窺秋風頰桂竦春景綠楊垂郢路委分竹湘濱擁

去麾枉帆懷勝賞留景惜差池水木且不棄情遊
良可知

奉酬燕公見歸田賦垂贈之作

窮鳥嬰籠綴孤飛任播遷鷦鷯王佐用復此控沖
天楚雲何掩鬱湘水亦迴遘懷哉愧木鴈忽爾枉
蘭荃愈疾同枚叔銷憂比仲宣歸途書可畏弱操
石猶堅覆載雖云廣涔陽直塊然

和張燕公耗磨日飲

上月今朝減流傳耗磨辰還將不事事同醉俗中

言... 不... 卷之四十九

劉幽求

本傳云冀州人聖曆中拜閩中尉後與玄宗討平韋庶人以功擢中書舍人參知機務累封徐國公開元初授尚書左丞相兼黃門監姚崇忌之以快望貶睦州刺史轉桂陽郡刺史卒諡曰文獻

書懷

心為明時盡君門尚不容田園迷徑路歸去欲何

從

鄭遂初

萬歲通天中登李迥秀第

別離怨

蕩子戍遼東連年信不通塵生錦步障花遶玉屏

風只恐

一作怨

紅顏改寧辭玉簫空繫書春鴈足早

晚到雲中

洪子輿

睿宗時為侍御史姜晦時為中丞諷劾韋安石子輿不從

嚴陵祠

漢王召子陵歸宿洛陽殿客星今安在隱迹猶可

見水石空潺湲松篁尚葱蒨岸深翠陰合川迴白

雲徧幽徑滋蕪沒荒祠暮霜霰垂釣想遺芳掇蘋

羞野薦高風激終古語理忘榮賤方念道可尊山

詩已

言系
林情不變

張敬忠

張仁愿在朔方奏用御史張敬忠等分
總軍事累遷吏部郎中開元中拜盧平

使節度

邊詞

五原春色舊來遲二月垂楊未挂絲
即今河畔冰開日正是長安花落時

崔滌

定州人液弟也多辯智善諧謔素與玄宗
欵密後用為秘書監出入禁中賜名澄從
東封還加金紫封安喜縣子

望韓公堆

韓公堆上望秦川渺渺關山西
接連孤客一身千里外未知歸日是何年

嚴識玄

唐新語云為鞏令後轉魏州刺史為魏
令李懷讓所辱俄又俱為兵部郎中既
同曹局亦難為容舉朝以為深戒

班婕妤

賤妾如桃李君王若歲時
秋風一已勁搖落不勝悲
寂寂蒼苔滿沈沈綠草滋
繁華非此日指輦競

何辭

章玄同

詩已

勿專來

八

言系 卷之四十九

流所贈張錫

黃葉因風下甘從洛浦隈白雲何所為還出帝鄉

來

任希古

王方慶起家越府參軍受司馬遷班固二史於記室任希古希古他遷就卒其業見王方慶傳

和左僕射燕公春日端居述懷

豐野光三傑媯庭贊五臣綈緗歌美譽綵竹詠芳
塵聖曆開環象昌年降甫申高門非捨築華構豈
垂綸鳳邸搏霄翰龍池躍海鱗玉鼎昇黃閣金章

謁紫宸禮闈通政本文昌總國均調風振薄俗清
教敘彝倫星迴應緹管日御警寅賓葉上曾槐變
花發小堂春思挂東都冕言訪北山中赫赫容臺
上千祀耀平津

崔禹錫

字洪範登顯慶三年進士第為中書舍人

奉和聖製送張說巡邊

供帳何煌煌公其撫朔方羣僚咸餞酌明主降離
章關塞重門下郊岐禁苑傍練兵宜雨洗卧鼓候
風涼炎景寧云憚神謀肅所將旌搖天月迴騎入

詩已

初唐卷之四十九

塞雲長赫赫皇威振油油聖澤湧非惟按車甲兼
以正封疆叱咤陰山道澄清瀚海陽虜垣行決勝
台坐佇為光

盧從愿

本傳云字子龔相州人弱冠舉明經授
夏縣尉遷監察御史睿宗踐祚拜吏部
侍郎高宗時裴行儉馬載為吏部稱職及是
從愿與李朝隱同時典選亦有美譽時人稱
曰前有馬裴後有盧李開元中遷中
書侍郎後拜吏部尚書卒諡曰文

奉和聖製送張說巡邊

上將發文昌中軍靜朔方占星引旌節擇日拜壇
場禮樂臨軒送威聲出塞揚安邊侯帷幄制勝在

巖廊作鼓將軍氣投醪壯士觴戒途遵六月離贈
動三光槐路清梅暑蘅臯起麥涼時文仰雄伯耀
武震遐荒衽席知無戰兵戈示不忘佇聞歌杖杜
凱入繫名王

張嘉貞

本傳云蒲州人應五經舉長安中拜監
察御史開元中遷中書令知政事以事
出為台州刺史復拜工部尚書定州刺
史知武平軍事累封河東侯卒諡恭肅

恩敕尚書省寮宴昆明池應制

同用
堯字

靈沼初開漢神池舊浴堯昔人徒習武明代此聞
韶地脉山川勝天恩雨露饒時光牽利舸春淑覆

言終
柔條芳醞醒千日華牋落九霄幸承歡賚重不覺
醉歸遙

奉和早登太行山中言志應制

明發扈山巔飛龍高在天山南平對鞏山北遠通
燕瞻彼岡巒峻憑茲士馬妍九圻行若砥萬谷輾
如川羅網開三百閭閻問百年澤將春雪比文共
曉星連後后逢今聖登台謝曩賢唯餘事君節不
讓古人先

奉和聖製送張說巡邊

天錫我宗盟元戎付夏卿多才兼將相必勇獨橫
行經緯稱人傑文章作代英山川看是陣草木想
爲兵不待河冰合猶防塞一作漢月明有謀當繫醜
無戰且綏氓闡外傳一作專三畧雲中冀一平感恩
同義激一作共心盡一作共悵別屢魂驚直視前旌掣遙聞後
騎鳴還期方定日復此出郊迎

宋璟

本傳云邢州人其先自廣平徙焉少耿介

有大節弱冠舉進士累轉鳳閣舍人當官
正色則天甚重之睿宗踐祚遷吏部尚書同
中書門下三品開元中拜侍中累封廣平郡
公後遷尚書右丞相與張說源乾曜同日拜
官卒諡文貞○皮日休桃花賦序云余嘗慕

宋廣平之爲相正姿勁質剛態毅狀疑其鐵石心腸不能吐婉媚辭然覩其文而有梅花賦清便富艷得南朝徐庾之體

奉和聖製同二相已下羣官樂遊園宴

侍飲終酺會承恩續勝遊戴天惟慶幸選地卽殊尤北向祗雙闕南臨賞一丘曲江新溜暖上苑雜花稠疊疊韶絃屢戛戛賁帛周醉歸填畛陌榮耀接軒裘

奉和聖製峇張說扈從南出雀鼠谷

秦地雄西夏并州近北胡禹行山啟路舜在邑爲

都忽視寒暄隔深思險易殊四時宗伯敘六義宰臣鋪徵作官常應星環日每紆盛哉逢一作合道隆良以致亨衢

蒲津迎駕

回鑾下蒲坂飛旆指秦京雒上黃雲送關中紫氣迎霞朝看馬色月曉聽雞鳴防拒連山險長橋壓水平省方知化洽察俗覺時清天下長無事空餘襟帶名

奉和御製璟與張說源乾曜同日上官命

宴都堂賜詩應制

按本傳開元十七年璟為尚書右丞相張說為

左丞相源乾曜為太子少傅同日拜有詔太官設饌太常奏樂會百官尚書省東堂帝賦三傑詩自寫以賜

承相邦之重非賢諒不居老臣慵且憊何德以當

諸厚秩先為忝崇班復此除太常陳禮樂中掖降

簪裾聖酒山河潤仙文象緯舒冒恩懷寵錫陳力

省空虛郭隗慙無駿馮諼愧有魚不知周勃者榮

幸定何如

奉和聖製送張說巡邊

帝道薄

一作溥

存兵王師尚有征是關司馬法爰命

揔戎行畫闥崇威信分麾盛寵榮聚觀方結轍出

祖遂傾城聖酒江河潤天詞象緯明德風邊草偃

勝氣朔雲平宰國推良器為軍挹壯聲至和常得

體不戰即亡精以智泉寧竭其徐海自清遲還廟

堂坐贈別故人情

送蘇尚書赴益州

我望風煙接君行霰雪飛園亭若有送楊柳最依

依

蕭嵩

本傳云神龍初補洛州參軍景雲中陸象先
先知政事遽遷殿中侍御史開元中為兵部
尚書河西節度使大破吐蕃入為中書令
加集賢殿學士知院事封徐國公天寶中卒

奉和御製左丞相說右丞相璟太子少傅

乾曜同日上官命宴都堂賜詩

審官思共理多士屬惟唐歷選台庭舊來熙帝業
昌入朝師百辟論道協三光垂拱咨元老親賢輔
少陽登庸崇禮送寵德耀宸章御酒飛觴洽仙闈
雅樂長荷恩思有報陳力愧無良願罄公忠節同
心奉我皇

奉和聖製送張說上集賢學士賜宴

得登字

帝曰簡才能旌賢在股肱文章體一變禮樂道逾
弘芸閣英華入賓門鵷鷺登恩筵過所望聖澤實
超恒夏葉開紅藥餘花發紫藤微臣亦何幸叨此
預文明

姚崇

本傳云本名元崇陝州人應下筆成章舉
累遷夏官中郎武后奇其才超遷夏官侍郎
郎知政事俄遷鳳閣侍郎春官尚書睿宗時
為中書令先天中代郭元振為兵部尚書同
中書門下三品復遷紫微令
開元中封梁國公卒諡文獻

故洛陽城侍宴應制

詩經 初唐卷之四十九
遊豫停仙蹕登臨對晚晴川鳧連倒影巖鳥應虛
聲野奏風成曲山居雲作纓今朝丘壑上高興小
蓬瀛

夜渡江

夜渚帶浮煙蒼茫晦遠天舟輕不覺動纜急始知
牽聽草遙尋岼聞香暗識蓮唯看孤帆影常恐客
心懸

秋夜望月

明月有餘鑒羈人殊未安桂含秋樹晚波入夜池

寒灼灼雲枝淨光光草露團所思迷所在長望獨
長歎

奉和聖製龍池篇

紀事云龍池興慶宮也明皇潛龍之地初睿
宗五子賜第隆慶坊號五王宅明皇爲太子
製大衾長枕與諸王共之先天後盡以隆慶
舊邸爲興慶宮而賜薛憲第於勝業申岐第
於安興環列宮側天子於宮西南置
樓西曰花萼相輝南曰勤政務本

恭聞帝里生靈祉應報明君鼎業新旣叶翠泉光
寶命還符白水出真人當時舜海潛龍躍此日堯
河帶馬巡獨有前池一小鴈叨承舊惠入天津

源乾曜

本傳云相州人舉進士景雲中累遷諫議大夫開元中官至侍中同中書門下

三品後遷太子少傅封安陽郡公卒

奉和聖製送張尚書巡邊

匈奴邇河朔漢地須戎旅天子擇英才朝端出監
撫流星下閭闔寶鉞專公輔禮物生光輝宸章備
恩詔有征視矛戟制勝唯樽俎彼美何壯哉栢栢
擅斯舉聲華振臺閣功德標文武奉國知命輕忘
家以身許安人在勤恤保大殫襟腑此外無異言
同情報明主

奉和聖製送張說上集賢學士賜宴

得迎字

盛業光書府徵人盡國英司綸賢得相羣俊學為
名寵命垂天錫崇恩發睿情薰風清禁籞文殿述
皇明日霽庭陰出池曛水氣生歡娛此無限詩酒
自相迎

奉和御製乾曜與張說宋璟同日上官命

宴都堂賜詩

睿作超千古湛恩育萬人遞遷俱荷澤同拜忽為
隣道合徽音暢芳馳景命新鼓鍾崇享禮鵷鷺集

朝倫竊位思官謫凋容謝木春慙多無以敘拙備
實難陳進綬一作級懷三少承光盡百身自當歸第

日何幸列宮臣

蘇綰杜審言有送蘇綰書記詩

奉和姚令公駕幸温湯喜雪應制

漢主新豐邑周王尚父師雲符沛童唱雪應海神

期林變驚春早山明訝夕遲况逢温液霈恩重御

裘詩

初唐第四十九

初唐第五十

唐詩紀五十

鄆郡吳瑄彙編

江都陸弼同校

崔泰之

紀事云知温子初以職方郎中預平二張時以禮部居洛與韋嗣立張說崔日知數有酬倡終工部尚書

奉和聖製送張尚書巡邊

南庭胡運盡北斗將星飛旗鼓臨沙漠旌旄出洛

畿關山遶玉塞烽火映金微屢獻帷謀策頻承廟

勝威躡蹠臨河騎逶迤度隴旂地脉平千古天聲

詩紀

初唐卷之五十一

振九圍車馬生邊氣戈鋌駐落暉夏近蓬首轉秋
深草木腓餞送紆天什恩榮賜御衣佇勒燕然頌
鳴騶計日歸

奉酬韋嗣立祭酒偶遊龍門北谿忽懷驪
山別業因以書志示弟淑奉呈諸大僚之

作

關塞臨伊水驪山枕灞川俱臨隱路側同在帝城
邊謝公兼出處携妓翫林泉鳴騶噴梅雪飛蓋曳
松煙聞琴幽谷裏看奕古巖前落日低幃帳歸雲

繞管絃叨榮慙北闕微尚愛東田寂寞灰心盡蕭
條塵事捐朝思登嶰絕夜夢弄潺湲宿懷南澗意

况覩北谿

一作巖篇

同日知光祿弟冬日述懷

并序

韋祭酒張左丞二公並廊廟偉才朝廷舊相咸
光首和殊爲佳作輒繼陽春深增愧悚

吾族白眉良才華動洛陽觀光初入仕應宿始爲
郎飛螢翫書籍白鳳吐文章海卿逾往雅河尹冠
前張擇才綏鄢郢殊化被江湘高樓臨廣陌甲第

敞通莊列館却山下疏亭洛水傍昌年賞豐陌暇
 日悅林塘衣冠皆秀彥一作茂羅綺盡名倡隔岸聞
 歌度臨池見舞行門庭寒變色榮戟自生光窮陰
 方黷黷殺氣正蒼茫感時興盛作晚歲共多傷積
 德韋丞相通神張子房吟草編簪紱逸韻合宮商
 功名守留省濫迹在文昌家園遙可見臺寺近相
 望無庸乘侍謁有暇共翱翔棣華依鴈序竹葉拂
 鸞觴水坐憐秋月山行弄晚芳恩華慙服冕友愛
 勗垂堂無由報天德相顧詠時康

崔日知

字子駿景雲中為洛州司馬以討譙王重福功加銀青累遷京兆尹後遷太常卿自以歷任年久每朝士參集常與尚書同列時人號為尚書裏行遂為口實後為潞州刺史卒見從父弟日用傳

奉酬韋祭酒偶遊龍門北谿忽懷驪山別

業因以言志示弟淑并呈諸大僚之作

夙齡秉微尚中年忽有鄰以茲山水癖遂得狎通

人迨我咸

一作南

京道聞君別

一作北

業新巖前窺石

鏡河畔踏芳茵既憐伊浦綠復憶灞池春連詞謝

家子同歡冀野賓趣閑魚共樂情洽鳥來馴詎

一作

誰念昔遊者祇命獨留秦蕭條潁陽戀冲漠漢陰
真無由陪勝躅空此翫書筠

冬日述懷奉呈韋祭酒張左丞蘭臺名賢

弱齡好經籍披卷卽怡然覃精四十載馳騁數千

言孔壁采遺篆一作帙周韋考絕編袁公論劔術孫

子敘兵篇魯史君臣道姬書日月懸從師改炎燠

負笈遍山川上異西河夏中非北海玄光榮拾青

紫名價接通賢旣重萬鍾樂寧思二頃田長戟同

分虎高冠亞一作五附蟬晚懷重虛曠養志息雕鏹

登高慙思拙匠物謝情研不慕張平子寧希一作思

王仲宣誰謂登龍日翻成刻鵠年循循勞善誘軋

軋思微牽琢磨才旣竭鑽仰德彌堅朽木誠爲諭

捫心徒自憐終期吞鳥夢振翼上雲煙賦成先擲

地詞高直挾天更執摳衣禮仍開函丈筵霧披槐

市藹水靜壁池圓願逐從風葉飛舞翰林前

魏奉古

奉酬韋祭酒偶遊龍門北谿忽懷驪山別

業因以言志示弟淑奉呈諸大僚之作

有美朝為貴幽尋地自偏踐臨伊水泐想望灞池
邊是遇皆新賞茲遊若舊年藤蘿隱路接楊柳御
溝聯道愜神情王機忘俗理捐遂初誠已重兼濟
實為賢跡是東山戀心仍北闕懸顧慙經拾紫多
謝賦思玄未躡一作躡中林步空承上一作麗藻傳
陽春和已寡扣一作寂竟一作徒然

李邕

文苑傳云字太和江都人善子也長安初
拜左拾遺開元中為左臺侍御史累遭貶
謫以討賊功歷括淄滑三州刺史素有聲稱
上計京師後進不識京落阡陌聚觀以為古
人天寶中為北海太守李林甫忌之以柳勣
事遣御史就郡杖殺之初邕擅才名尤長碑

頌雖及職在外中朝衣冠及天下寺觀多齋
金帛往求其文凡數百篇受餽遺至鉅萬焉
○盧藏嘗謂邕如干將鏌鋁難
與爭鋒但虞傷缺耳卒如其言

銅雀妓

西陵望何及絃管徒在茲誰言死者樂但令生者
悲丈夫有餘志兒女焉足私擾擾多俗情投迹互
相師直節豈感激荒淫乃淒其潁水有許由西山
有伯夷頌聲何寥寥唯聞銅雀詩君舉良未易永
為後代嗤

詠雲

言絲
不唐卷之五十一
五
綵雲驚歲晚繚繞孤山頭散作五般色凝爲一段
愁影雖沈澗底形在天際遊風動必飛去不應長
此留

登歷下古城員外孫新亭

亭對鵲河時李之芳自尚書郎

出爲齊州製此亭

吾宗固神秀體物寫謀長形制開古跡曾冰延樂
方太山雄地理巨壑眇雲莊高興汨煩促永懷清
典常含引知四大出入見三光負郭喜秔稻安時
歌吉祥

奉和初春幸太平公主南莊應制

傳聞銀漢石支機復見金輿出紫微織女橋邊烏
鵲起仙人樓上鳳凰飛流風入座飄歌扇瀑水侵
堦濺舞衣今日還同犯牛斗乘槎共逐海潮歸

司馬逸客

李又有送司馬真外逸客北征詩

雅琴篇

亭亭嶧陽樹落落千萬尋獨抱出雲節孤生不作
林影搖綠波水彩絢丹霞岑直幹思有託雅志期
所任匠者果留盼雕斲爲雅琴文以楚山玉錯以

昆吾金虬鳳吐奇狀商徵含清音清音雅調感君
 子一撫一弄懷知己不見鍾期百年餘還憶朝朝
 幾千里馬卿臺上應蕪沒阮籍帷前空已矣山情
 水意君不知拂匣調絃為誰理調絃拂匣倍含情
 況復空山秋月明隴水悲風已嗚咽離鴟別鶴更
 淒清將軍塞外多奇操中散林間有正聲正聲諧
 風雅欲竟此曲誰知者自言幽隱乏先容不道人
 物知音寡誰能一奏和天地誰能再撫歡朝野朝
 野歡娛樂未央車馬駢闐盛彩章歲歲汾川事簫

鼓朝朝伊水聽笙簧窈窕樓臺臨上路妖嬈歌舞
 出平陽彈絃本自稱仁祖吹管由來許季長猶憐
 雅歌淡無味淥水白雲誰相貴還將逸調賞幽心
 不覺繁聲論遠意傳聞帝樂奏鈞天倘冀微躬一作
 備五絃願持東武宮商韻長奉南薰億萬年

李如璧

中為御史
嘗劾崔日知賊

明月

三五月華流炯光可憐懷歸一作君郢路長逾江越
 漢津無梁遙遙永夜思茫茫昭君失寵辭上宮蛾

眉嬋娟卧氍穹胡人琵琶彈北風漢家音君絕南
鴻昭君此時怨畫工可憐明月光腫臃節既秋兮
天向寒沅有漪兮湘有瀾沅湘糾合森漫漫洛陽
才子憶長安可憐明月復團團逐臣戀主心愈恪
棄妻思君情不薄已悲芳歲徒淪落復恐紅顏坐
銷鑠可憐明月方照灼向影傾身比葵藿

李景伯

邢州人懷遠子也景龍中為給事中遷
諫議大夫景雲中累遷散騎常侍卒

回波辭

中宗嘗宴侍臣及朝集使酒酣各令為迴波
辭衆皆為誑佞語及自要榮位次至景伯云

云中宗不悅蕭至忠
稱之曰此真諫官也

回波爾時酒卮微臣職在箴規侍讌既過三爵喧

譁竊恐非儀

李行言

隴西人中宗時為給事中帝七月七日
御兩儀殿會宴命為步虛歌行言於御

前長跪作三洞道土音詞歌
數曲貌偉聲暢上頗歎美

秋晚度廢關

秦郊平舊險周德眷遺黎始聞清夜柝俄見落封
泥物色來無限津途去不迷空亭誰問馬閑戍但
鳴雞山月寒彌淨河風曉更淒贈言楊伯起非復

是關西

盧崇道

紀事云為太常卿坐其聳崔湜反俱流嶺南還歸至都睿宗時以事杖死

新都南亭別郭大元振

竹徑女蘿蹊蓮洲文石隄靜深人俗斷尋翫往還

迷碧潭秀初月素林驚夕栖褰幌納鳥侶罷琴聽

猿啼佳辰改夙昔勝寄坐睽攜長懷賞心愛如玉

一作復如珪

張宣明

唐新語云宣明有膽氣富詞翰為郭元振判官

山行見孤松成詠

唐新語云宣明嘗山行見孤松賞翫久之賦詩云云鳳閣舍人梁載言賞之曰文氣質不減於長松也

孤松鬱山椒肅爽凌清霄既挺千丈幹亦生百尺

條青青恒一色落落非一朝大厦今已構惜哉無

人招寒霜十二月枝葉獨不凋

使至三姓咽麪

為郭元振判官時作人稱為絕唱

昔聞班家子筆硯忽然投一朝撫長劍萬里入荒

陬豈不服艱險只思清國讐山川去何歲霜露幾

逢秋玉塞已遐廓鐵關方阻脩東都日窅窅西海

詩已

初唐卷之五十一

九

此悠悠卒使功名建長封萬里侯

李夔

武后時為
汴州司戶

使至汴州喜逢宋之問

阮籍蓬池上孤韻竹林才巨源從吏道正擁使車

來相逢且交臂相命且銜杯醉後長歌畢餘聲繞

吹臺

賈曾

文苑傳云洛陽人少知名景雲中為吏部
員外郎開元初拜中書舍人與蘇晉同掌

制誥皆以詞學見知時
稱蘇賈遷禮部侍郎卒

和宋之問下山歌

良遊晚晚今月呈光錦路透迤今山路長王孫不

留今歲將宴嵩巖仙草今為誰芳

孝和皇帝挽歌

新命千齡啓鴻圖累聖餘天行應潛曜帝出受圖

書禮若傳堯舊功疑復夏初夢遊長不返何國是

華胥

奉和春日出苑矚目應令

時為太子舍人
使在東都作

銅龍

一作
形闡

曉闢問安迴金輅春遊博望開渭水

一作

晴光搖草樹終南佳氣入樓臺招賢已從商山

詩已

初唐卷之五

老托乘還徵鄴下才臣在東周獨留滯忻逢一作承
睿藻日邊來

袁恕已

本傳云滄洲人長安中歷遷司刑少卿預誅張易之兄弟拜中書令封南陽郡王後貶環州爲周利正逼飲野葛汁死

詠屏風

綺閣雲霞滿芳林草樹新鳥驚疑欲曙花笑不關
春山對彈琴客谿流垂釣人請看車馬客行處有
風塵

吳兢

本傳云浚儀人博通經史以魏元忠薦直史館神龍中遷右補闕開元歷衛尉少卿

永泰公主挽歌二首

右庶子居史職三十年敘事簡要人用稱之後封襄垣縣子爲恒王傳卒

穠華從婦道釐降適諸侯河漢天孫合瀟湘帝子
遊關雎方作訓鳴鳳自相求可歎凌波迹東川遂
不流

舜華徂北渚宸思結南陽鑿綬哀榮備遊軒寵悼
彰三川謀遠日入水宅連岡無復秦樓上吹簫下
鳳凰

閻丘均

文苑傳云成都人以文章著稱景龍中爲安樂公主所薦拜太常博士公主被

詩紀

初唐卷之五

十一

誅坐貶循州司
倉卒有集十卷

臨水亭

高館基曾山微羃生花草傍對野村樹下臨車馬
道清朗悟心術幽遐備瞻討迴合峰隱雲聯縣渚
縈島氣似滄洲勝風爲青春好相及盛年時無令
歎衰老

張紘

登久視六年進士第

行路難

君不見溫家玉鏡臺提攜抱握九重來君不見相

如綠綺琴一撫一拍鳳凰音人生意氣須及早莫
負當年行樂心荆王奏曲楚妃歎曲盡歡終夜將
半朱樓銀閣正平生碧草青苔坐蕪漫當春對酒
不須疑視日相看能幾時春風吹盡燕初至此時
自爲稱君意秋露萎草鴻始歸此時衰暮與君違
人生翻覆何常定誰保容顏無是非

趙謙光

答戶部員外賀遂涉戲贈

唐新語云景龍中謙光自彭州司馬入爲大理正遷戶部郎中賀遂涉時爲員外戲詠云

員外由來美郎中望不優誰言粉署裏翻作土山頭謙光荅之云云

錦帳隨情設金爐任意薰惟愁員外署不應列星文

鄭惟忠

本傳云宋州人儀鳳中舉進士天授中歷遷鳳閣舍人中宗即位擢拜黃門侍郎御史大夫封滎陽縣男開元初轉禮部尚書太子賓客卒

送蘇尚書赴益州

離憂將歲盡歸望逐春來庭花如有意留豔待人開

劉懷一

唐新語云懷一有才藻自瀛州司法拜右臺殿中

贈右臺監察鄧茂遷左臺殿中

惟昔參多士無雙仰異才鷹鷂同效逐鵝鷺忝遊陪入仕光三命遷榮歷二臺隔墻欽素躅對問限清埃紫署春光早蘭闈曙色催誰言夕鳥至空想鄧林隈

吕太一

景雲中為洹水令魏知古為黃門侍郎表薦之

詠院中藜竹

唐新語云太一拜監察御史裏行自負才華而不即真因詠院中藜竹以寄意焉

擢擢當軒竹青青重歲寒心真徒見賞籜小未成

竿

張泫

紀事作張絃

和呂御史詠院中藜竹

見唐新語

聞君庭竹詠幽意歲寒多歎息為冠小良工將柰何

閨怨

搜王集作張炫

去年離別鴈初歸今夜裁縫螢已飛征客未

一作去

來音信斷不知何處寄邊

一作寒衣

賀遂亮

贈韓思彥

韓思彥同在憲臺見唐新語

意氣百年內平生一寸心欲交天下事未向已虛

襟君子直名義直道冠衣簪風雲行可託懷抱自

然深落霞靜霜景墜葉下風林若上南登岸希訪

北山岑

韓思彥

酬賀遂亮

見唐新語

古人一言重嘗謂百年輕今投歡會面顧盼盡平生簪裾非所託琴酒與相併累日同遊處通宵欵

素誠霜飄如柳脆雪冒覺松真願言何所道幸得
歲寒名

魏求已

自御史左授山陽丞

見唐新語

朝昇照日檻夕次下烏臺風竿一眇邈月樹幾裴
徊翼向高標斂聲隨下調哀懷燕首自白非是為
年催

初唐第五十

初唐第五十一

唐詩紀五十一

鄆郡吳瑄彙編

江都陸弼同校

王丘

本傳云字仲山舉童子科長安中自偃師主簿擢第拜監察御史開元中拜吏部侍郎典選平允後轉太子賓客襲爵宿豫男拜禮部尚書卒

詠史

高潔非養正盛名亦險艱偉哉謝安石攜妓入東
山雲巖響金奏空水灩朱顏蘭露滋香澤松風鳴
珮環歌聲入空盡舞影到池閑杳眇同天上繁華

詩經
非代間卷舒混名跡縱誕無憂患何必蘇門子冥
然閉清關

奉和聖製答張說扈從南出雀鼠谷之作
襟帶三秦接旂常萬乘過陽原淑氣早陰谷沍寒
多花縟前茅仗霜嚴後殿戈代雲開晉嶺江鴈入
汾河北土分堯俗南風動舜歌一聞天樂唱恭遂
萬人和

奉和聖製送張尚書巡邊

德業蘊時宗幽符夢象通台司計祈父師律總元

戎出入敷能政謀猷體至公贈行光睿計宴別感
宸衷文炳高天曜恩垂湛露融建牙之塞表鳴鼓
接雲中策密鬼神秘威成劔騎雄朔門正炎月兵
氣已秋風肅殺從此始方知胡運窮

崔翹

齊州人崔融子開元初
爲禮部尚書諡曰成

送友人使夷陵

猿鳴三峽裏行客舊沾裳復道從茲去思君不暫
忘開襟春葉短分手夏條長獨有幽庭桂年年空
自芳

奉和聖製答張說南出雀鼠谷

硤路繞河汾晴光掃一作拂曙氛笳吟中嶺樹仗入
半峯雲頓覺山原盡平看邑里分早行芳草遠晚
憩好風薰嘉頌推英宰春遊扈聖君共欣承睿渥
日月照天文

鄭郎中山亭

篆筆飛章暇園亭染翰遊地奇人境別事遠俗塵
收書閣山雲起琴齋澗月留泉清鱗影見樹密鳥
聲幽杜馥熏梅雨荷香送麥秋無勞置驛騎文酒

可相求

崔沔

孝友傳云字美冲長安人事親至孝應制舉對策為天下第一岑義謂人曰此今之

奉和聖製同二相已下羣官樂遊園宴

五日酺纔畢千年樂未央復承天所錫一作賜終宴

國一作園之陽地勝春逾好恩深樂更張落花飛廣

座垂柳拂行觴庶尹陪三史諸侯具萬方酒酣同

扑躍歌舞詠時康

崔尚

登久視六年進士第官至祠部郎中

詩記

初唐卷之五十一

三

言
奉和聖製同二相已下羣官樂遊園宴

春日照長安皇恩寵庶官合錢承罷宴賜帛復追
歡供帳憑高列城池入迴寬花催相國醉一作鳥
和樂人彈北闕雲中見南山樹杪看樂遊宜締賞
舞詠惜將闌

梁知微

嗣聖初登進士第

入朝別張燕公

華容佳山水之子厭承明符竹紆小郡江湖被德
聲三年計吏入路指巴丘城鳧舟纔結纜騶駕已

相迎別離他鄉酒委曲故人情孤嶼早煙薄長波
晚氣清辛勤方遠鶩勝賞屢難并迴瞻洞庭浦日
暮愁雲生

王熊

韋嗣立詩序余忝省闈岳州張使君潭州王都督同官聯事

奉別張岳州說二首

長沙辭舊國洞庭逢故人薰蘭敦久要披霧轉相
親歲月空嗟老江山不惜春忽聞黃鶴曲更作白
頭新

平生共風月倏忽間山川不期交淡水暫得欸忘

年興逸方罷釣帆開欲解船離心若危旆朝夕爲君懸

王琚

本傳云河內人有才畧玄宗在東宮奏授詹事府司直兼崇文學士先天中拜中書侍郎以誅太平公主功封趙國公常在帷幄之側參聞大政時謂之內宰相後歷刺十四州又爲廣平鄴郡太守李林甫構成其罪貶江華郡司馬自縊卒

奉荅燕公

郡遠途且艱宜悲良自得胡爲心獨爾惠好在南國亦旣清顏披罔然良願克與君蘭時會羣物如藻飾煙景惜歡賞雲山起翰墨接藝奇思微偶談

玄言直永日不知倦逾旬猶謂亟如何酌離樽移棹巴城側浦口勞長望舟中獨太息疾風吹飛帆倏忽南與北目盡不復見懷哉無終極唯當衡峯上遙辨湖水色

美女篇

東鄰美女實名娼絕代容華無比方濃纖得中非短長紅素天生誰飾妝桂樓椒閣木蘭堂繡戶雕軒文杏梁屈曲屏風繞象牀菱蕤翠帳綴香囊玉臺龍鏡洞徹光金爐沈煙酷烈芳遙聞行珮音鏘

鏘舍嬌欲一作合笑出洞房二八三五閨心切寒簾

捲幔迎春節清歌始發詞怨一作忽然咽鳴琴一弄心

斷絕借問哀怨何所為盛年情多心自悲須臾破

顏倏斂態一悲一喜併相宜何能見此不注心惜

無媒氏為傳一作道音可憐盈盈直千金誰家君子

為藁砧

自荆湖入朝至岳陽奉別張燕公

五載朝天子三湘逢舊僚扁舟方輟棹清論遂終

朝遠樹煙間沒長江地際遙帝城馳夢想歸帆滿

風颭

遊滄湖上寺

春山臨遠壑水木自幽清夙昔懷微尚茲焉一放

情雲間聽弄鳥煙上摘初英地僻方無悶逾知道

思精一作生

朱使欣

道峽似巫山張說有和詩

江如曉天靜石似暮雲張征帆一流覽宛若巫山

陽楚客思歸路秦人謫異鄉猿鳴孤月夜再使淚

霑裳

姜晞

登永隆二年進士第

奉和聖製龍池篇

靈沼縈迴邸第前
浴日涵春寫曙天
始見龍臺昇鳳闕
應知霄漢起神泉
石匱渚傍還啟聖
桃李初生更有仙
欲化帝圖從此受
正同河變一千年

姜皎

長安中為尚衣奉御明皇在藩邸識其有非常度委心焉及即位授殿中少監出入卧內後遷秘書監坐洩禁中語流欽州卒

奉和聖製龍池篇

龍池初此出龍山
常經此地謁龍顏
日日芙蓉生夏水
年年楊柳變春灣
堯壇寶匣餘煙霧
舜海漁舟尚往還
願似飄飄五雲影
從來從去九天間

劉庭琦

岐王範好儒士與閩朝隱劉庭琦張諤鄭繇等飲酒賦詩後庭琦貶雅州司戶

從軍

朔風吹寒塞胡沙
千萬里陣雲出岱山
孤月生海水次勝
方求敵銜恩本輕
死蕭蕭牧馬鳴
中夜拔劍起

奉和聖製瑞雪篇

紫宸飛雪曉徘徊層閣重門雪照開九衢晶耀浮
埃盡千品差池贊帛來何處田中非種玉誰家院
裏不生梅埋雲翳景無窮已因風落地吹還起先
過翡翠寶房中轉入鴛鴦金殿裏美人含笑出聯
翩豔逸相輕鬪容止羅衣點着渾是花玉手搏來
半成水奕奕紛紛何所如頓憶楊園二月初羞同
班女高秋扇欲照明王乙夜書姑射山中符聖壽
芙蓉闕下降神車願隨睿澤流無限長報豐年貴
有餘

詠木槿樹題武進文明府廳
物情良可見人事不勝悲莫恃朝榮好君看暮落
時

銅雀臺

銅臺宮觀委灰塵魏主園陵漳水濱卽今西望猶
堪思况復當時歌舞人

張諤

紀事云登景龍進士第與岐王範飲
酒賦詩貶山在承國秀集云陳王掾

百子池

舊聞百子漢家池漢家淥水今逶迤宮女厭鏡笑

言終
卷之五十一
窺池身前影後不相見無數容華空自知

東封山宴羣臣

萬里扈封巒羣公遇此歡幔城連夜靜雲仗滿空
寒輦路宵煙合旌門曉月殘明朝陪聖主山下禮
圓壇

三日岐王宅

玉女貴妃生嬰媿始發聲金盆浴未了綳子繡初
成翡翠雕芳褥真珠帖小纓何時學健鬪取落
花輕

滿月

社金流茂社庭玉表奇才竹似因談植蘭疑人夢
栽烏將八子去鳳逐九雛來今夜明珠色當隨滿
月開

岐王山亭

王家傍綠池春色正相宜豈有樓臺好兼看草樹
奇石榴天上葉椰子日南枝出入千門裏年年樂
未移

岐王席上詠美人

詩已

初唐卷之五十一

九

半額畫雙蛾盈盈燭下歌玉杯寒意少金屋夜情
多香豔王分帖裙嬌救賜羅平陽莫相一作妬喚
出不如他

贈吏部孫員外濟

天子愛賢才星郎入拜來明光朝半下建禮直初
迴名帶含香發文隨綺幕開披雲自有鏡從此照
仙臺

送李著作作倅杭州

輟史空三署題輿佐一方祖筵開霽景征陌值韶

光水陸風煙隔秦吳道路長佇聞敷善

一作政邦

國詠惟康

九日

秋天

一作來

林下不知春一種佳遊事也

一作均絳

葉從朝飛着夜黃花開日未成旬將橫

一作衝陌

樹頻驚馬半醉歸途數問人城遠

一作外登高併九

日茱萸凡作幾年新

延平門高齋亭子應岐王教

花源藥嶼鳳城西翠幙紗牕鶯亂啼昨夜蒲萄初

言系 初唐卷之五十一
上 架今朝楊柳半垂堤片片仙雲來渡水雙雙燕
子共銜泥請語東風催後騎併將歌舞向前谿

日來更九日宴平僚

秋葉風吹黃颯颯晴雲日照白鱗鱗歸來得問茱
萸女今日登高醉幾人

鄭繇

鄭州人嗣聖元年登進士第開元中岐王
範愛儒士繇與劉廷琦閻朝隱張諤皆遊
其門飲酒賦
詩為娛樂

失白鷹

白錦文章亂丹青羽翮齊雲中呼暫下雪裏放還

迷梁苑驚池鷺陳倉拂野雞不知寒廓外何處獨

一作
依棲

經慈澗題

岸與恩同廣波將慈共深涓涓勞日夜長似下流
心

薛昺惑

紀事云世傳昺惑善投壺背後
執矢投之龍躍隼飛百發百中

奉和進船洛水應制

一作孫
逖詩

禁園紆睿覽仙棹叶宸遊洛北風花樹江南彩畫
舟榮一作芳生蘭蕙草春入鳳凰樓興盡離宮暮煙

詩記

初唐卷之五十一

十一

光起夕流

裴淮

本傳云絳州聞喜人應大禮舉累遷監察御史太極中為兵部侍郎開元中轉黃門侍郎張說在相位數稱薦之淮又善於敷奏上亦嘉重擢吏部尚書太子賓客卒諡曰懿

奉和御製旋師喜捷

殊類驕無長王師示有征中軍纔受律妖寇已亡
精斬虜還遮塞綏降更築城從來攻必克天策振
奇兵

奉和聖製龍池篇

乾坤啟聖吐龍泉泉水年年勝一年始看魚躍方

成海即觀龍飛利在天洲渚遙將銀漢接樓臺直
與紫微連休氣榮光恒不散懸知此地是神仙

奉和聖製送張說上集賢學士賜宴

賦得昇字

聞道圖書盛尊儒禮教興石渠因學廣金殿為賢
昇日月恩光照風雲寵命膺謀謨言可範舟楫事
斯憑宴喜明時洽光輝湛露凝大哉堯作主天下
頌歌稱

奉和御製平胡

玄漠聖恩通由來書軌同忽聞窺月滿相聚寇雲

中廟畧占黃氣神兵出絳宮將軍行逐虜使者亦
和戎一舉輶輶滅再麾沙漠空直將威禁暴非用
武爲雄飲至明軍禮醕勲錫武功干戈還載戢文
德在唐風

康庭芝

國秀集云河陰令按杜審言有和庭芝詠月詩

詠月

一作沈佺期詩又作宋之問詩

天使下西樓光含萬里秋臺前疑挂鏡簾外似懸
鈎張尹將眉學班姬取扇儔佳期應借問爲報在
刀頭

初唐第五十一

初唐第五十二

唐詩紀五十二

鄣郡吳瑄彙編

江都陸弼同校

張九齡

本傳云字子壽韶州曲江人幼聰敏善屬文登進士第拜校書郎玄宗在東宮

舉天下文藻之士親加策問九齡對策高第開元中遷中書舍人後出爲桂州都督充嶺南按察使召入累遷中書令知政事密有陳奏多見納用宰執每薦引公卿上心問風度得如九齡否坐引周子諒左遷荊州大都督府長史請歸拜墓卒謚文獻九齡爲中書令時天長節百寮上壽多獻珍異唯九齡進金鏡錄五卷言前古興廢之道上賞異之。張說評云九齡之文如輕縑素練實濟時用微窘邊幅。本集序云曲江公詩其言造道雅

正冲澹體合風騷。司空
圖云張曲江五言沈鬱

四言古詩

奉和聖製燭龍齋祭

上帝臨下鑒亦有光孰云陰隲惟聖克彰六月徂
暑四郊愆陽我后其勤告于壇場精意允溢羣靈
鼓舞蔚以一作朝雲霈然時雨雨我原田亦既有
年燭龍煌煌明宗報祀于以助之天人帝子聞詩
有訓國風茲始

奉和聖製喜雨

艱我稼穡載育載亭如一作物應之曷聖與靈謂
我何憑惟德之馨誰云天遠以誠必至太清無雲
羲和頓轡于斯蒸人瞻彼非覲陰冥倏忽霈澤咸
洎何以致之我后之感無臯無隰黍稷黯黯無卉
無木敷芬黜醜黃龍勿來鳴鳥不思人和年豐皇
心則怡豈與周宣雲漢徒詩

五言古詩

奉和聖製幸晉陽宮

隋季失天策萬方罹凶殘皇祖稱義旗二靈皆獲

安聖期將一作朝特申錫王業成艱難盜移未改命曆

在終履端彼汾惟帝鄉雄一作洪都信鬱盤一月朔

巡狩羣后陪清鑾霸迹在沛庭舊儀觀漢官唐風

思何深舜典敷更寬家一作戶蒙粉榆復邑爭牛酒

歡緬惟翦商後豈獨微禹歎三后既在天萬年斯

不刊尊祖實我皇天文皆仰觀

奉和聖製次成皋先聖禽建德之所

天命誠有集王業初惟艱翦商自文祖夷項在茲
山地識斬蛇處河臨飲馬間威加昔運往澤流今

聖還尊祖頌先列賡歌安用攀紹成即我后封岱
出天關

奉和聖製賜諸州刺史以題座右

聖人合天德洪覆在元元每勞蒼生念不以黃屋
尊興化俟羣辟擇賢守列藩得人此為盛咨岳今
復存降鑒引君道殷勤啓政門容光無不照有象
必為言成憲知所奉致理歸其根肅肅稟玄猷煌
煌戒朱軒豈徒任遇重兼爾宴錫繁載聞勵臣節
持答明主恩

言
奉和聖製送十道採訪使及朝集使

三年一上計萬國趨河洛課最力已陳賞延恩復
博垂衣深共理改瑟其咸若首路迴竹符分鑣揚
木鐸戒程有攸往詔餞無淹泊昭晰動天文殷勤
在人瘼持乂望茲念克終期所託行矣當自強春
耕庶秋穫

奉和聖製謁玄元皇帝廟齋

興運昔有感建祠北山巔雲雷初締構日月今悠
然紫氣尚翳鬱玄元如在焉迨茲事追遠輪奐復

增鮮洞府香林處齋壇清漢邊吾君乃尊祖夙駕
此留連樂動人神會鐘成律度圓笙歌下鸞鶴芝
朮萃靈仙曾是福黎庶豈唯味虛玄賡歌徒有作
微薄謝昭宣

巫山高

巫山與天近煙景長青熒此中楚王夢夢得神女
靈神女去已久雲雨空冥冥唯有巴猿嘯哀音不
可聽

和黃門盧監望秦始皇陵

秦帝始求仙驪山何遽卜中年既無効茲地所宜
復徒役如雷奔珍怪亦雲蓄黔首無寄命赭衣相
追一作馳逐人怨神亦怒身死宗遂覆土崩失天下
龍鬪入函谷國爲項籍屠君同華元戮始掘既由
楚終焚乃因牧上宰議揚賢中阿感怛速一聞過
秦論載懷空杼軸

酬周判官巡至始興會改秘書少監見貽
之作兼呈耿廣州

惟昔遷樂土迨今已重世陰慶荷先德素風慙後

裔唯益梓桑恭豈稟山川麗于時初自勉揆已無
兼濟瘠土資勞力良書啓蒙蔽一探石室文再擢
金門第既起南宮草復掌西掖制過舉及小人便
蕃在中歲亞司河海秩轉牧江湖滋勿謂符竹輕
但覺消塵細一麾尚云忝十駕宜求稅心息已如
灰跡牽且爲贅忽捧天書委將革海隅弊朝聞循
誠節夕飲蒙瘡癘義疾恥無勇盜憎攻亦銳葵藿
是傾心豺狼何返噬履險甘所受勞賢惡相曳攬
轡但荒服循垓便私第嘉慶始獲申恩華復相繼

言終
初唐卷之五十二
五
無庸我先舉同事君猶滯當推奉使績且結拜親
契更延懷安旨曾是慮危際善謀雖若茲至理焉
可替所仗有神道况承明主惠

和吏部李侍郎見示秋夜望月憶諸侍郎
之什其卒章有前後行之戲因命僕繼作
清秋發高興涼月復閒宵光逐露華滿情因水鏡
搖同持亦所見異路無相招美景向空盡歡言隨
事銷忽聽金華作誠如玉律調南宮尚爲後東觀
何其遼名數雖云隔風期幸未遙今來重餘論懷

此更終朝

登南嶽事畢謁司馬道士

將命祈靈嶽廻策詣真士絕跡尋一徑異香聞數
里分庭八桂樹肅容兩童子入室希把袖登牀願
啓齒誘我棄智訣迨茲長生理吸精反自然鍊藥
求不死斯言眇霄漢顧余嬰紛滓相去九牛毛慙
歎知何已

九月九日登龍山

郡庭常窘束涼野求昭曠楚客凜秋時相公舊臺

詩經 卷之五十二
上清明風日好歷落江山望極遠何蕭條中留坐
惆悵東彌夏首闊西拒荆門壯夷險雖異時古今
豈殊狀先賢眇一作杏不接故老猶可訪投弔傷昔
人揮斤感前匠自爲本踈散未始忘幽尚際會非
有欲往來是無妄爲邦復多幸去國殊遷放且汎
籬下菊還聆郢中唱灌園亦何爲於陵乃逃相

登郡城南樓

閉閣幸無事登樓聊永日雲霞千里開洲渚萬形
出澹澹澄江漫飛飛度鳥疾邑人半艫艦津樹多

楓橘感別時已屢憑眺情非一遠懷不我同孤興
與誰悉平生本單緒邂逅承優秩謬忝爲邦寄多
慙理人術駑鉛雖自勉倉廩素非實陳力儻無効
謝病從芝朮

歲初巡屬縣登高安南樓言懷

山城本孤峻憑高結層軒江氣偏宜早林英粲已
繁餘滋含宿霽衆妍在朝暎拂衣釋簿領伏檻遺
紛喧深俯東谿澳遠延南山樊歸雲納前嶺去鳥
投遙村目盡有餘意心惻不可諉竭來彭蠡澤載

言終
初唐卷之五十一
經敷淺原春及但生思時哉無與言不才叨過舉
唯力酬明恩美化猶寂蔑迅節徒飛奔雖無成立
効庶以去思論行復徇孤迹亦云吾道存

山本
秋晚登樓望南江入始興郡路

潦收沙衍出霜降天宇晶伏檻一長眺津途多遠
情思來江山外望盡煙雲生滔滔不自辯役役且
何成我來颯衰鬢孰云飄華纓櫪馬苦蹉跎籠禽
念遐征歲陰向晚晚日夕空屏營物生貴得性身
累由近名內顧覺今是追歎何時平

登古陽雲臺

庭樹日衰颯風霜未云已駕言遣憂思乘興求相
似楚國茲故都蘭臺有餘址傳聞襄王世仍立巫
山祀方此全盛時豈無嬋娟子色荒神女至魂蕩
宮觀啓蔓草今如積朝雲爲誰起

與生公尋幽居處

同方久厭俗相與事遐討及此雲山去窅然巖徑
好疑入武陵源如逢漢陰老清諧欣有得幽閒歛
盈抱我本玉階侍偶訪金仙道茲焉求卜築所過

詩紀 初唐卷之五十二 八
皆神造歲晚林始敷日晏崖方杲不種緣嶺竹豈
植臨潭草卽途可淹留隨日成黼藻期爲靜者說
曾是終焉保今爲簡書畏祗令歸思浩

與生公遊石窟山

探秘孰云遠忘懷復爾同日尋高深意宛是神仙
中躋險構靈室詭制非人功潛洞黝無底殊庭忽
似夢豈如武安鑿自若茅山通造物良有寄嬉遊
迺愜衷猶希咽玉液從此昇雲空咄咄共携手冷
然且馭風

郡舍南有園畦雜樹聊以永日

爲郡久無補越鄉空復深苟能秉素節安用叨華
簪却步園畦裏追吾野逸心形骸拘俗吏光景賴
閑林內訟誠知止外言猶匪忱成蹊謝李逕衛足
感葵陰榮達豈不偉孤生非所任江城何寂歷秋
樹亦蕭森下有北流水上有南飛禽我願從歸翼
無然坐自沈

臨泛東湖

時任
洪州

郡庭日休暇湖曲邀勝踐樂職在中和靈一作心

挹上善乘流坐清曠舉目眺悠緬林與西山重雲
 因北風卷晶明盡不逮陰影鏡無辨晚秀復芬敷
 秋光更遙衍萬族紛可佳一遊豈能展羈孤忝邦
 牧顧已非時選梁一作長公世不容長孺心亦褊永
 念出籠繫常思退疲蹇歲徂風露嚴日恐蘭苕一作
 若剪佳辰不可得良會何其鮮罷興還江城閉關
 聊自遣

始興南山下有林泉嘗卜居焉荆州卧病
 有懷此地

出處各有在何者為陸沈幸無迫賤事聊可祛迷
 襟世路少夷坦孟門未嶮嶽多慙入火術常惕履
 冰心一跌不自保萬全焉可尋行行念歸路眇眇
 惜光陰浮生如過隙先達已吾箴敢忘丘山施亦
 云年病侵力衰在所養時謝良不任但憶舊棲息
 願言遂窺臨雲間目孤秀山下面清深蘿葛自為
 幄風泉何必琴歸此老吾老還當日千金

晨坐齋中偶而成詠

寒露潔秋空遙山紛在矚孤頂乍脩聳微雲復相

續人茲賞地偏鳥亦愛林旭結念憑幽遠撫躬曷
羈束仰霄謝逸翰臨路嗟疲足徂歲方睽携歸心
亟躑躅休閒儻有素豈負南山曲

詠史

大德始無頗中智是所是居然已不一况乃務相
詭小道致泥難巧言因萋毀穰侯或見遲蘇生得
陰揣輕既長沙傳重亦邊郡徙勢傾不幸然跡在
胡寧爾滄溟所爲大江漢日來委澧一作澄水雖復
清魚鱉豈游此賢哉有小白讐中有管氏若人不

世生悠悠多如彼

龍門旬宴得月字韻

恩華逐芳歲形勝兼韶月中席傍魚潭前山倚龍
闕花迎妙妓至鳥避仙舟發宴賞一作行良在茲再
來情不歇

驪山下逍遙公舊居遊集

韋嗣立封
爲逍遙公

君子體清尚歸處有兼資雖然經濟日無忘幽棲
時卜居舊何所休澣嘗來茲岑寂罕人至幽一作高
深獲我思松澗聆遺風蘭林覽餘滋往事誠已矣

詩經
道存猶可追遺子後黃金作歌先紫芝明德有自
來奕世皆秉彝豈與礪谿老崛起周太師我心希
碩人逮此問元龜怊悵旣懷遠沈吟亦省私已云
寵祿過况在華髮衰軒蓋有迷復丘壑無磷緇感
物重所懷何但止足斯

雜詩五首

孤桐亦胡爲百尺傍無枝踈陰不自覆脩幹欲何
施高岡地復迴弱植風屢吹凡鳥已相噪鳳凰安
得知

蘿蔦必有託風霜不能落酷在蘭將蕙甘從葵與
藿運命雖爲宰寒暑自迴薄悠悠天地間委順無
不樂

良辰不可遇心賞更蹉跎終日塊然坐有時勞者
歌庭前攬芳蕙江上託微波路遠無能達憂情空
復多

湘水弔靈妃斑竹爲情緒漢水訪游女解佩欲誰
與同心不可見異路空延佇浦上青楓林津傍白
沙渚行吟至落日坐望祗愁予神物亦豈孤佳期

竟何許
木直幾自寇石堅亦他攻何言爲用薄而與火膏
同物類一作累有固然誰能取徑通纖纖良田草靡
靡唯從風日夜沐甘澤春秋等芳叢生性苟不夭
香臭誰爲中道家貴至柔儒生何固窮終始行一
意無乃過愚公

初唐第五十二

初唐第五十三

唐詩紀五十三

鄆郡吳瑄彙編
江都陸弼同校

張九齡

五言古詩

感遇十二首

蘭葉

一作藥

春葳蕤桂華秋皎潔欣欣似

一作此

生意

自爾

一作以

爲佳節誰知林棲者聞風坐相

一作見

悅

草木有本

一作本無

心何求美人折

詩紀

初唐卷之五十三

幽林

一作人

歸獨卧滯慮洗孤清持此謝高鳥因之

傳遠情日夕懷空意人誰感至精飛沈理自隔何

所用

一作

慰吾誠

魚游樂深池鳥棲欲高枝嗟爾蜉蝣羽薨薨亦何
爲有生豈不化所感奚若斯神理日微滅吾心安
得知浩歎楊朱子徒然泣路岐

孤鴻海上來池潢不敢顧側見雙翠鳥巢在三珠
樹矯矯珍木巔得無金丸懼美服患人指高明逼
神惡今我遊冥冥弋者何所慕

吳越數千里夢寐今夕見形骸非我親衾枕卽鄉
縣化蝶猶不識川魚安可羨海上有仙山歸期覺
神變

西日下山隱北風乘夕流燕雀感昏旦簷楹呼匹
儔鴻鵠雖自遠哀音非所求貴人棄疵賤下士嘗
殷憂衆情累外物恕已忘內修感歎長如此使我
心悠悠

江南有丹橘經冬猶綠林豈伊地氣暖自有歲寒
心可以薦嘉客柰何阻重深運命惟所遇循環不

可尋徒言樹桃李此木豈無陰
永日徒離憂臨風懷蹇脩美人何處所孤客空悠
悠青鳥跂不至朱鷺誰云浮夜分起躑躅時逝曷
淹留
抱影吟中夜誰聞此歎息美人適異方庭樹含幽
色白雲愁不見滄海飛無翼鳳凰一朝來竹花斯
可食

漢上有游女求思安可得袖中一札書欲寄雙飛
翼冥冥愁不見耿耿徒緘憶紫蘭秀空蹊皓露奪
幽色馨香歲欲晚感嘆情何極白雲在南山日暮
長太息
我有異鄉憶宛在雲溶溶憑此目不覩要之心所
鍾但欲附高鳥安敢攀飛龍至精無感遇悲惋填
心胷歸來扣寂寞人願天豈從

閉門曠羣化憑林結所思嘯嘆此寒木疇昔迺芳
蕤朝陽鳳安在日暮蟬獨悲浩思極中夜深嗟欲
待誰所懷誠已矣既往不可追鼎食非吾事雲仙
嘗我期胡越方杳杳車馬何遲遲天壤一何異幽

嘿卧簾帷

江上遇疾風

疾風江上起鼓怒揚煙埃白晝晦如夕洪濤聲若
雷投林鳥鍛羽入浦魚曝腮瓦飛屋且發帆快檣
已摧不知天地氣何爲此喧豗

南陽道中作

登郢屬歲陰及宛惜所適復聞東漢主遺此南都
迹佳氣藹厥初霸圖紛在昔茲邦稱貴近與世嘗
薰赫遭遇感風雲變衰空草澤不識鄧公樹猶傳

陰后石驅馬歷闔閭荆榛翳阡陌事去物無象感
來心不憚懷古對窮秋興言傷遠客眇默遵岐路
辛勤弊行役雲鴈號相呼林麇走自索顧憶狗書
劍未嘗安枕席豈暇墨突黔空持遼豕白迷復期
非遠歸歟賞農隙

湘中作

湘流繞南嶽絕目轉青青懷祿未能已瞻途屢所
經煙嶼宜春望林猿莫夜聽永路日多緒孤舟天
復冥浮沒從此去嗟嗟勞我形

彭蠡湖上

沿涉經大湖湖流多行決決晨趨北渚逗浦已西
日所適雖淹曠中流且閑逸瑰詭良復多感見乃
非一廬山直陽許孤石當陰術一水雲際飛數峯
湖心出象類何交糺形言豈深悉且知皆自然高
下無相恤

入廬山仰望瀑布水

絕頂有懸泉喧喧出煙杪不知幾時歲但見無昏
曉閃閃青崖落鮮鮮白日皎灑流濕行雲濺沫驚
飛鳥雷孔何噴薄箭馳入窈窕昔聞山下蒙今乃
林巒表物情有詭激坤元曷紛矯默然置此去變
化誰能了

出爲豫章郡途次廬山東巖下

茲山鎮何所乃在澄湖陰下有蛟螭伏上與虹蜺
尋靈仙未始曠窟宅何其深雙闕出雲峙三宮入
煙沈攀崖猶昔境種杏非舊林想像終古跡惆
悵獨往心紛吾嬰世網數載忝朝簪孤根自靡
託量力况不任多謝周身防常恐橫議侵豈匪鷓

怛

一作

言終
初唐卷之五十三
五
鴻列惕如泉壑臨迨茲刺江郡來此滌塵襟有趣
逢樵客忘懷狎野禽棲閑義未果用拙歡在今願
言答休命歸事丘中琴

巡屬縣道中作

春令夙所奉駕言遵此行途中却郡掾林下招村
氓至邑無紛劇來人但歡迎豈伊念邦政爾實在
時清短才濫符竹弱歲起柴荆再入江村道永懷
山數情矧逢陽節獻默聽時禽鳴迹與素心別感
從幽思盈流芳日不待夙志蹇無成知命且何欲

所圖唯退耕華簪極身泰衰鬢慙木榮苟得不可
遂吾其謝世嬰

夏日奉使南海在道中作

緬然萬里路赫曦三伏時飛走逃深林流爍恐生
疵行李豈無苦而我方自怡肅事誠在公拜慶遂
及私展力慚淺效銜恩感深慈且欲湯火蹈况無
鬼神欺朝發高山阿夕濟長江湑秋瘴寧我毒夏
水胡不夷信知道存者但問心所之呂梁有出入
乃覺非虛詞

言
巡按自灘水南行

理棹雖云遠飲水寧有惜况乃佳山川怡然傲潭
石竒峯岌前轉茂樹隈中積猿鳥聲自呼風泉氣
相激目因詭容逆心與清暉滌紛吾謬執簡行郡
將移檄卽事聊獨歡素懷豈兼適悠悠詠靡鹽庶
以窮夕日

使還都湘東作

倉庚昨歸候陽鳥今去時感物遽如此勞生安可
思養真無上格圖進豈前期清節往來苦壯容離

別衰盛明非不遇弱操自云私孤楫清川渚征衣
寒露滋風朝津樹落日夕嶺猿悲牽役而無悔坐
愁祗自怡當須報恩已終爾謝塵緇

冬中至玉泉山寺屬窮陰冰閉崖谷無色
及仲春行縣復往焉故有此作

靈境信幽絕芳時重暄妍再來及茲勝一遇非無
緣萬木柔可結千花敷欲然松間鳴好鳥竹下流
清泉石壁開精舍金光照法筵真空本自寂假有
聊相宣復此灰心者仍追巢頂禪簡書雖有畏身

世亦相捐

郢城西北有大古塚數十觀其封域多是
楚時諸王而年代久遠不復可識唯直西
有樊妃塚因後人爲植松柏故行路盡知
之

蘋藻生南澗蕙蘭秀中林嘉名有所在芳氣無幽
深楚子初逞志樊妃嘗獻箴能令更擇士非直罷
從禽舊國皆湮滅先王亦莫尋唯傳賢媛隴猶結
後人心牢落山川意蕭疎松柏陰破墻時直上荒

徑或斜侵惠問終不絕風流獨至今千春思窈窕

黃鳥復哀音

荊州作二首

先達志其大求意不約文士伸在知己已况仕於
君微誠夙所尚細故不足云時來忽易失事往良
難分顧念凡近姿焉欲殊常勲亦以行則是豈必
素有聞千慮且猶失萬緒何其紛進士苟非黨免
相安得羣衆口金可鑠孤心絲共棼意忠仗朋信
語勇同敗軍古劔徒有氣幽蘭祗自薰高秩向所

忝於義如浮雲
千載一遭遇往賢所至難問余奚為者無階忽上
搏明聖不世出翼亮非苟安崇高自有配孤陋何
足干遇恩一時來竊位三歲寒誰謂誠不盡知窮
力亦殫雖至負乘寇初無挾術鑽浩蕩出江湖翻
覆如波瀾心傷不材樹自念獨飛翰狗義在匹夫
報恩猶一餐况乃山海澤效無毫髮端內訟已慙
沮積毀今摧殘胡為復惕息傷鳥畏虛彈

在郡秋懷二首

秋風入前林蕭颺鳴高一作寒枝寂寞遊子思寤歎

何人知宦成名不立志存一作在歲已馳五十而無

聞古人深所疵平生去外飾直道如不羈未得操

割効忽復寒暑移物情自古一作有同然身退毀亦隨

悠悠滄海一作江渚望望白雲涯露下霜且降澤中

草離披蘭艾若不分安用馨香為

庭蕪生白露歲候感遐心策蹇慙遠途巢枝思故

林小人恐致寇終日如臨深魚鳥好自逸池籠安

所欽挂冠東都門採蕨南山岑議道誠愧昔覽分

還愜今憮然憂成老空爾白頭吟

忝官二十年盡在內職及為郡嘗積戀因

賦詩焉

江流去朝宗晝夜茲不舍仲尼在川上子牟存闕
下聖達有由然孰是無心者一郡苟能化百城豈
云寡愛禮誰為羊戀主吾猶馬感初時不載思奮
翼無假閑宇嘗自閉沈心何用寫攬衣步前庭登
陴臨曠野白水生迢遞清風寄瀟洒願言采芳澤
終朝不盈把

二弟宰邑南海見羣鴈南飛因成詠以寄

鴻鴈自北來嗷嗷度煙景嘗懷稻梁惠豈憚江山
永小大每相從羽毛當自整雙鳥侶晨泛獨鶴叅
宵警為我更南飛因書至梅嶺

將發還鄉示諸弟

歲陽亦頽止林意日蕭摵云胡當此時緬邁復為
客至愛孰能捨名義來相迫負德良不貲輸誠靡
所惜一木逢厦構纖塵願山益無力主君恩寧利
客卿壁去去榮歸養憮然歎行役

言終
叙懷二首

弱歲讀羣史抗迹追古人被褐有懷玉佩印從負
薪志合豈兄弟道行無賤貧孤根亦何賴感激此
爲鄰

晚節從卑秩岐路良非一旣聞持兩端復見挾三
術木瓜誠有報玉楮論無實已矣直躬者平生壯
圖失去去勿重陳歸來茹芝朮

題畫山水障

心累猶不盡果爲物外牽偶因耳目好復假丹青

妍嘗抱野間意而迫區中緣塵事固已矣秉意終
不遷良工適我願妙墨揮巖泉變化合羣有高深
侔自然置陳北堂上做像南山前靜無戶庭出行
已茲地偏萱草憂可樹合歡忿益蠲所因本微物
况乃憑幽筌言象會自泯意色聊自宣對翫有佳
趣使我心渺綿

雜言

奉和聖製瑞雪篇

萬年春三朝日上御明臺旅庭實初瑞雪今霏微

言系 初唐卷之五十三
俄同雲兮蒙密此時騷切陰風生先過金殿有餘
清信宿嬋娟飛雪度能使玉人俱掩嫫皓皓樓前
月初白紛紛陌上塵皆素昨訝驕陽積數旬始知
和氣待迎新匪惟在人利曾一作扶一作天意天意
豈云遙雪下不崇朝皇情翫無斃雪委方盈尺草
樹紛早榮京坻宛先積君恩誠謂何歲稔復人和
預數斯箱慶應如此雪多朝冕旒兮載悅想篋笈
兮農節倚瑤琴兮或歌續薰風兮瑞雪福浸昌應
尤盛瑞雲年年常感聖願以栢梁作長爲柳花詠

奉和聖製溫泉歌

有時神物待聖人去後湯還冷來時樹亦春今茲
十月自東歸羽旆逶迤上翠微溫谷葱葱佳氣色
離宮奕奕叶光輝臨渭川近天邑浴日溫泉復在
茲羣仙洞府那相及吾君利物心玄澤浸蒼黔漸
漬神湯無疾苦薰歌一曲感人深

初唐第五十三



